



古文奇賞卷之十七

古吳陳仁錫選評 仁和郎奎金重訂

唐順宗實錄

韓愈

合陳商書
八百物朝
夕所見者
人皆不注
親也及親
其異者則
共觀而言
之夫文章
豈異於是
乎實錄言
其人者孫
樵能文之
士以為不
及班史過

順宗至德大聖大安孝皇帝諱誦德宗長子母曰昭
德皇后王氏上元二年正月十二日生大曆十四年
封為宣王建中元年立為皇太子慈孝寬大仁而善
佐文○所○以○易○入○斷留心藝學亦微信尚浮屠法禮重師傅引見輒先
拜善隸書德宗之為詩并它文賜大臣者皆令上
書之德宗之幸奉天倉卒間上常親執弓矢率軍後
先導衛備嘗辛苦上之為太子於父子間慈孝尤心

哉○歐陽
修曰退之
筆力無窮
不可而嘗
以詩爲文
章末事故
其詩曰多
情懷酒伴
餘事作詩
人也然其
資談笑助
諧謔敘人
作狀物態
一寓於詩
按此亦退
之詩也
○柳宗元
猷平淮夷
雅表恩報
國恩

無嫌。每以天下爲憂。德宗在位久。稍不假宰相權。而
左右得因緣用事。外則裴延齡。李齊運。韋渠牟等。以
姦佞相次進用。延齡尤狡險。判度支。務刻削。聚斂。以
自爲功。天下皆怨怒。上每進見。候顏色。輒言其不可。
至陸贄。張洎。李充等。以毀譏朝臣。懼諫議大夫陽
城等伏閣。極論德宗怒甚。將加城等罪。內外無敢救
者。上獨開解之。城等賴以免。德宗卒不相延齡。渠牟。
上有力焉。○上學書於王伾。頗有寵。王叔文以基進。
俱待詔翰林。數侍太子。基叔文。詭譎多計。上在東宮。
皆與諸侍讀并叔文論政。至宮市事。上寡人方欲

文前二公
可以當
語矣

歐陽修曰
天下學者
楊劉之作
號為時文
能者取科
第擅名譽
以誇榮當
世未嘗有
延韓文者
為有司
所黜因取
所藏韓氏
之文復閱
之○蘇軾
曰公之神
在天下者

極言之衆皆稱贊獨叔文無言既退上獨留叔文謂
曰向者君奚獨無言豈有意邪叔文曰叔文蒙幸太
子有所見敢不以聞太子職當侍膳問安不宜言外
事陛下在位久如疑太子收人心何以自解上大驚
因泣曰非先生寡人無以知此遂大愛幸與王伾兩
人相依附俱出入東宮間德宗大漸上疾不能言伾
即入以詔召叔文入坐翰林中使決事伾以叔文意
入言於宦者李忠言稱詔行下外初無知者○京兆
尹李實諂事李齊運驟遷至京兆尹恃寵強愎不顧
文法是時春夏旱京畿乏食實一不以介意方將聚

如水之在
池中無所
往而不在
也
公自云
山上有鍾
焉人所不
可至霜既
降則鏗然
鳴蓋氣之
盛非自鳴
也公所感
當日者
深矣

歛徵求以給進奉每奏對輒曰今年雖旱而穀甚好
由是租稅皆不免人窮至壞屋賣瓦木貨麥苗以應
官優人成輔端爲謠嘲之實聞之奏輔端詰謗朝政
杖殺之實遇侍御史王播於道故事尹與御史相遇
尹下道避實不肯避導騎如故播詰讓導騎者實怒
遂奏播爲三原令廷詰之陵轢公卿已下隨喜怒誣
奏遷黜朝廷畏忌之嘗有詔免畿內逋租實不行用
詔書徵之如初勇於殺害人吏不聊生至譴市里謹
呼皆袖瓦礫遮道伺之實由間道獲免○貞元末以
宦者爲使抑買人物稍不如本估末年不復行文書

置白望數百人於兩市并要鬧坊閱人所賣物但稱
宮市卽歛手付與真僞不復可辨無敢問所從來其
論價之高下者率用百錢物買人直數千錢物仍索
進奉門戶并腳價錢將物詣市至有空手而歸者名
爲宮市而實奪之嘗有農夫以驢負柴至城賣遇宦
者爲農夫寫生稱宮市取之纔與絹數尺又就索門戶仍邀以驢
送柴至內農夫涕泣以所得絹付之不肯受曰須汝
驢送柴至內農夫曰我父母妻子待此然後食今以
柴與汝不取直而歸汝尚不肯我有死而已遂毆宦
者街吏禽以聞詔黜此宦者而賜農夫絹十匹然宦

帝亦不爲之改易。諫官御史數奏疏諫不聽。上初登位。禁之至大赦。又明禁。又貞元中。要乳母皆令選寺觀婢以充之。而給與其直。例多不中選。寺觀次嘗出者。賣產業。割與地買之。貴有姿貌者。以進。其徒苦之。至是亦禁焉。貞元末。五坊小兒張捕鳥雀於閭里。皆爲暴橫。以取錢物。至有張羅罔於門。不許人出入者。或有張井上者。使不得汲水。近之輒曰。汝驚供奉鳥雀。痛毆之。出錢物求謝。乃去。或相聚飲食於肆。醉飽而去賣者。或不知就索其直。多被毆罵。或時留蛇一囊爲質。曰。此蛇所以致鳥雀。而捕之者。今留付汝。幸。

善。飼。之。勿。令。飢。渴。賣。者。愧。謝。求。哀。乃。攜。而。去。上。在。春。宮。時。則。知。其。弊。常。欲。奏。禁。之。至。卽。位。遂。推。而。行。之。人。情。大。悅。○乙丑。停。鹽。鐵。使。進。獻。舊。鹽。鐵。錢。物。悉。入。正。庫。一。助。經。費。其。後。主。此。務。者。稍。以。時。市。珍。玩。時。新。物。充。進。獻。以。求。恩。澤。其。後。益。甚。歲。進。錢。物。謂。之。羨。餘。而。經。入。益。少。至。貞。元。末。遂。月。有。獻。焉。謂。之。月。進。至。是。乃。罷。○初。叔。文。旣。專。內。外。之。政。與。其。黨。謀。曰。判。度。支。則。國。賦。在。手。可。以。厚。結。諸。用。事。人。取。兵。士。心。以。固。其。權。驟。使。重。職。人。心。不。服。藉。杜。佑。雅。有。會。計。之。名。位。重。而。務。自。全。易。可。制。故。先。令。佑。主。其。名。而。除。之。爲。副。以。專。

叔文制曰
精誠瑋材

徒少欲

貞元隱

深謀

之以戶部尚書判度支王紹爲兵部尚書以吏部郎
中李鄲爲御史中丞武元衡爲左庶子初叔文黨數
人貞元末已爲御史在臺至元衡爲中丞薄其人待
之鹵莽皆有所憾而叔文又以元衡在風憲欲使附
已使其黨誘以權利元衡不爲之動叔文怒故有所
授○丁酉吏部尚書平章事鄭珣瑜稱疾去位其日
珣瑜方與諸相會食於中書故事丞相方食百寮無
敢謁見者叔文是日至中書欲與執誼計事令直省
通執誼直省以舊事告叔文叱直省懼入白執誼執
誼遂巡慙赦竟起迎叔文就其間語良久宰相杜佑

高郢。珣瑜皆停筯以待。有報者云。叔文索飯。韋相已
與之同餐。閣中矣。佑郢等心知其不可畏。思叔文執
誼。莫敢出言。珣瑜獨歎曰。吾豈可復居此位。顧左右
取馬徑歸。遂不起。前是左僕射賈耽以疾歸第。未起
珣瑜又繼去。二相皆天下重望。相次歸臥。叔文執誼
等益無所顧忌。遠近大懼焉。○左散騎常侍致仕張
萬福。卒。萬福。魏州元城人也。自曾祖至父。皆明經官
止縣令。州佐萬福以祖父業儒。皆不達。不喜書學。騎
射年十七。八從軍遼東。有功爲將。而還累遷至壽州
刺史。州送租賦詣京師。至潁川。累爲盜所奪。萬福使

輕兵馳入潁川界討之。賊不意萬福至，忙迫不得戰。萬福悉聚而誅之，盡得其所亡物，并得前後所掠人妻子財物牛馬萬計，悉還其家。爲淮南節度崔圓所忌。矢刺史，改鴻臚卿，以節度副使將兵千人鎮壽州。萬福不以爲恨。許杲以平盧行軍司馬將卒三千人駐濠州，不去。有窺淮南意圖，令萬福攝濠州刺史。杲聞卽提卒去。止當塗陳莊，賊陷舒州。圓又以萬福爲舒州刺史，督淮南岸盜賊，連破其黨。大曆三年，召赴京師。代宗謂曰：「聞卿名久，欲一識卿。且將累卿以許杲。」萬福拜謝。因前曰：「陛下以許杲召臣，如河北賊諸。」

將叛以屬何人。代宗笑曰：「且欲議許杲事，方當大用卿。」卽以爲和州刺史，行營防禦使。督淮南岸盜賊。至州，杲懼，移軍上元。杲至楚州，大掠節度使韋元甫命萬福討之。未至淮陰，杲爲其將康自勤所逐。自勤擁兵繼掠循淮而東。萬福倍道追而殺之，免者十二三。盡得其所虜掠金銀婦女等，皆獲致其家。代宗詔以本州兵千五百人防秋。京西遂帶和州刺史，鎮咸陽。固留宿衛李正己反，將斷江淮路。令兵守埧橋、渦口。江淮進奉船千餘隻泊渦口，不敢進。德宗以萬福爲濠州刺史。萬福馳至渦口，立馬岸上，發進奉船，淄青

將士停听。睥睨不敢動。諸道繼進。攻泗州刺史。爲杜
亞所忌。徵拜左金吾衛將軍。召見德宗。驚曰。杜亞言
卿昏耄。卿乃如是。徙耶圖形。凌烟閣。數賜酒饌衣服。
并勅度支籍口畜給其費。至賀陽城。等於延英門外。
天下益重其名。二十一年。以左散騎常侍致仕。元和
元年。卒。年九十。萬福自始從軍。至卒。祿食七十年。未
嘗病一日。典九郡。皆有惠愛。始令吏部每年集選
人。舊事。吏部每年集人。其後遂三年一置選。選人猥
至。文書多不了。尋勘真偽。紛襍。吏因得大爲奸巧。選
士一蹉跌。或至十年不得官。而官之闕者。或累歲無

八中書侍郎陸贄令吏部分內外官員爲三分計。闕
集人以爲常。其弊十去七八。天下稱之。初贄參出李
巽爲常州刺史。且迫其行。巽常衙之。至參貶爲郴州
別駕。巽適遷湖南觀察。德宗常與參言。故相姜公輔
罪參漏其語。參敗。公輔因上疏自陳其事。非臣之過。
德宗詰之。知參洩其語。怒未有所發。會巽奏汴州節
度劉士寧遺參金帛若干。士寧得汴州。參處其議。士
寧常德之。故致厚貺。德宗以參得舉。而以武將交結
發怒。竟致參於死。而議者多言參死由贄焉。裴延齡
判度支。天下皆嫉怨。而獨幸於天子。朝廷無敢言其

短者。贊獨身當之日。陳其不可用。延齡固欲去贊。而代之。又知贊之不與已。多阻其奏請也。謗毀百端。翰林學士吳通玄。故與贊同職。奸巧佻薄。與贊不相能。知贊與齡相持。有間。因盛言贊短。宰相趙環。本贊所引。同對嫉贊之權。客以贊所戢。彈延齡事。告延齡。延齡益得以爲計。由是天子益信延齡。而不直贊。竟罷贊相。以爲太子賓客。而黜張滂。李充等。權言事者皆言其屈。贊固畏懼。至爲賓客。拒門不納。交親士友。春旱。德宗數獵苑中。延齡奸疏言。贊等失權。怨望言于衆。曰。天下旱。百姓且流亡。度支愛惜。不肯給諸軍。軍中

人無所食其事奈何以搖動群心其意非止欲中傷
臣而已後數日又獵苑中會神策軍人跪馬前云度
支不給馬草德宗意延齡前言卽迴馬而歸由是貶
贊爲忠州別駕滂充皆斥逐德宗怒未解贊不可測
賴陽城等救乃止贊之爲相常以少年入翰林得幸
於天子長養成就之不敢自愛事之不可者皆爭之
德宗在位久益自攬持機柄親治細事失君人大體
宰相益不得行其事職而議者乃云由贊而然贊居
忠州十餘年常閉門不出入人無識面者避謗不著
書習醫方集古今名方爲陸氏集驗方五十卷卒于

德宗自貞

元十年已

後不復有

赦令左降

官雖有名

德材望以

微過忤旨

譴逐者一

去皆不復

效用至是

下徵大悅

而發城皆

下聞其語

下下貶所

下君子情

忠州年五十二上初卽位與鄭餘慶陽城同徵詔始
下而城贊皆卒○裴延齡讒毀陸贄等坐貶黜德宗
怒不解在朝無救者陽城聞而起曰吾諫官也不可
令天子殺無罪之人而信用奸臣卽率拾遺王仲舒
數人守延英門上疏論延齡奸佞贄等無罪狀德宗
大怒召宰相入語將加城等罪良久乃解令宰相論
遣之於是金吾將軍張萬福聞諫官伏閣諫趨往至
延英門大言賀曰朝廷有直臣天下必太平矣遂過
拜城與仲舒等曰諸諫議能如此言事天下安得不
太平也已而連呼太平萬歲太平萬歲○

年八十餘。自此名重天下。時朝夕相延齡。城曰脫以延齡爲相當。取白麻壞之。慟哭於庭。竟坐延齡事改。國子司業至。引諸生告之曰。凡學者所以學爲忠與孝也。諸生寧有久不省其親乎。明日謁城歸養者二十餘人。有薛約者。嘗學於城。狂躁以言事得。皐將徙連州。客寄有根蒂。吏縱求得城家。坐吏於門。與約飲。決別涕泣。送之郊外。德宗聞之。以城爲黨罪人。出爲道州刺史。太學王魯卿。李儻等二百七十人詣闕乞畱住數日。吏遮止之。疏不得上。在州以家人禮待吏人。宜罰者罰之。宜賞者賞之一。不以簿書介意。賦稅

不登觀察使數誚讓上考功第城自署第曰撫字心
勞徵科政拙考下下觀察使嘗使判官督其賦至州
怪城不出迎以問州吏吏曰刺史聞判官來以爲已
有罪自囚於獄不敢出判官大驚馳入謁城於獄曰
使君何罪某奉命來候安否耳留一兩日未去城固
不復歸館門外有故門扇橫地城晝夜坐臥其上判
官不自安辭去其後又遣它判官崔某往按之崔承
命不辭載妻子一行中道而逃城孝友不忍與其弟
異處皆不娶給侍終身有寡妹依城以居有年四
十餘癡不能如人常與弟負之以遊初城之兄大亡

會其與執
誼交惡心
腹內離外
有章阜裴
垣嚴綬等
賤表而中
官劉文珍
等皆先朝
在使舊人
同心怨猜
屢以激上

在它處家貧不能葬城親與其弟舁尸以歸葬于其
居之側○戊午王伾詐稱疾自免自叔文歸第伾日
詣中人并杜佑請起叔文爲相且總北軍旣不得詣
以威遠軍使平章事又不得其黨皆憂悸不自保伾
至其日坐翰林中疏三上不報知事不濟行且臥至
夕忽叫曰伾中風矣明日遂輿歸不出○壬寅制王
伾開州司馬王叔文渝州司戶並員外置馳驛發遣
○叔文越州人以碁入東宮頗自言讀書知理道乘
間常言人間疾苦上將大論宮市事叔文說中上意
遂有寵因爲上言某可爲將某可爲相幸異日用之

○大○難○爲○相○知○

密結韋執誼并有當時名欲僥倖而速進者陸質呂
溫李景儉韓曄韓泰陳諫劉禹錫柳宗元等十數人
定爲死交而凌準程异等又因其黨而進交遊蹤跡
詭秘莫有知其端者貞元十九年補闕張正買疏諫
它事得召見正買與王仲舒劉伯芻裴蒞常仲孺呂
洞相善數遊止正買得召見諸違來者皆違賀之有
與之不善者告叔文執誼云正買疏似論君朋黨事
宜少誠執誼叔文信之執誼嘗爲翰林學士父死罷
官此時雖爲散郎以恩嘗召入門外事執誼因言
成季等朋讌聚遊無度皆譴斥之人莫知其由叔文

既得志與王伾李忠言等專斷外事遂首用韋執誼
爲相其常所交結相次拔擢至一日除數人日夜群
聚伾以侍書幸寢陋吳語上所襲狎而叔文頗任事
自許微知文義好言事上以故稍敬之不得如伾出
入無阻叔文入至翰林而伾入至栢林院見李忠言
牛昭容等故各有所主伾主往來傳授劉禹錫陳諫
韓曄韓泰柳宗元房啟俊準等主謀議唱和採聽外
事上疾久不瘳內外皆欲上早定太子位叔文默不
發議已立太子天下喜而叔文獨有憂色常吟杜甫
題諸葛亮廟詩末句云出師未捷身先死長使英雄

淚滿襟。因歔歔流涕。聞者咸竊笑之。雖判兩使事。未嘗以簿書爲意。日引其黨屏人。切切細語。謀奪宦者兵。以制四海之命。旣令范希朝、韓泰總統京西諸城鎮行營兵馬。中人尙未悟。會邊上諸將各以狀辭中尉。且言方屬希朝。中人始悟。兵柄爲叔文所奪。乃大怒曰。從其謀。吾屬必死其手。密令其使歸告諸將曰。無以兵屬人。希朝至奉天。諸將無至者。韓泰曰。叔文計無所出。唯曰奈何。奈何亡幾而母死。執誼益不用其語。叔文怒。與其黨日夜謀起復。起復必先斬執誼。而盡誅不附已者。聞者皆恂懼。皇太子旣監國。遂逐

之明年乃殺之。任杭州人病死遷所。其黨皆斥逐。叔
文最所賢重者。李景儉而最所謂奇才者。呂溫。叔文
用事時。景儉持母喪在東都。而呂溫使吐蕃半歲。至
叔文敗。方歸。故二人皆不得用。叔文敗後數月。乃貶
執誼爲崖州司馬。後二年病死海上。執誼杜黃裳子
壻。與黃裳同在相位。故最在後貶。○執誼進士對策
高等。驟遷拾遺。年二十餘。入翰林。巧惠便辟。媚幸于
德宗。而性貪婪。詭賊。其從祖兄夏卿爲吏部侍郎。執
誼爲翰林學士。受財爲人求科第。夏卿不應。乃探出
東○孔○懷中金。以內夏卿袖。夏卿驚曰。吾與卿賴先人德。致

名位幸各已達。豈可如此自毀壞。擺袖引身而去。執
誼大慙恨。旣而爲叔文所引用。初不敢負叔文。追公
議時時有異同。輒令人謝叔文云。非敢負約爲異同。
蓋欲曲成兄弟。爾叔文不之信。遂成仇怨。然叔文敗。
執誼亦自失形勢。知禍且至。雖尚爲相。常不自得。長
奄奄無氣。聞人行聲。輒惶悸失色。以至敗死時。纔四
十餘。執誼自早嘗諱不言嶺南州縣名。爲郎官時。嘗
與同舍郎詣臧方觀圖。每至嶺南圖。執誼皆命去之。
閉目不視。至拜相還。所坐堂北壁有圖。不就省。七八
日。識就觀之。乃崖州圖也。以爲不祥甚惡之。憚不能

出口至貶果得崖州焉。

應科目時與人書

突起

八日彼五
子者且使
生於今之
世其道雖
不顯於天
下其自負
何如哉骨
與八寸宵
者決得失
於一夫之
日而為之
憂樂哉五
子屈原孟
子司馬遷
相如揚雄
又曰知者

天池之濱大江之濱曰有怪物焉蓋非常鱗凡介之
品彙匹儔也其得水變化風雨上下于天不難也其
不及水蓋尋常尺寸之間耳無高山大陵曠途絕險
為之關隔也然其窮涸不能自致乎水為賓獮之笑
者蓋十八九矣如有力者哀其窮而運轉之蓋一舉
手一投足之勞也然是物也負其異於眾也且曰爛
死於泥沙吾寧樂之若俛首帖耳搖尾而乞憐者非
我之志也是以有力者遇之熟視之若無覩也其死

都只數句

凄然

一個壁言喻看它一連六個轉換

之退未始
不為進而
衆人之進
未始不為
退也
公與人書
曰子之聞
吾言亦悲
矣嗟予子
亦慎其所
之哉

其生固不可知也。今又有有力者當其前矣。聊試仰
首一鳴號焉。庸詎知有力者不哀其窮而忘一舉。一
一投足之勞而轉之清波乎其哀之命也。其不哀之
命也。知其其在命而且鳴號之者亦命也。愈今者實有
類於是。是以忘其疎愚之罪而有是說焉。閣下其亦
憐察之。

與馮宿論文書

施先生墓志銘開先生講論如家

辱示初筮賦實有意思。但力為之。古人不難到。但不知
直似古人亦何得於今人也。僕為文人每自則意
中以為好。則人必以為惡矣。小稱意人亦小怪之大

稱意卽人必大怪之也。時時應事作俗下文字下筆
令人慙及示人則人以爲好矣。小慙者亦家謂之小
好。大慙者卽必以爲大好矣。不知古文直何用於今
世也。然以竢知者知耳。昔楊子雲著太玄人皆笑之
子雲之言曰。世不我知無害也。後世復有楊子雲必
好之矣。子雲死近千載。竟未有楊子雲可歎也。其時
桓譚亦以爲雄。書勝老子。老子未足道也。子雲豈止
與老子爭彊而已乎。此未爲知雄者。其弟子侯芭頗
知之以爲其師之書勝周易。然侯之它文不見于世
不知其人果如何耳。以此而言作者不祈人之知也。

子雲自許與譚記所以許雲皆非定論

明矣。直百世以俟聖人而不惑質諸鬼神而無疑耳。

足下豈不謂然乎？○得此一此○兩○人○恰○好○詩○量○文○字○詩○近李翱從僕學文頗有所得。然其

盛○于○盛○唐○文○盛○于○盛○唐○信○夫○

人家貧多事未能卒其業。有張籍者年長於翱而亦

學於僕。其文與翱相上下一二年業之庶幾乎至也。

然閱其棄俗尚而從於宋寔之道以之爭名於時也。

久不談聊感足下能自進於此故復發憤一道。

答呂鑒山人書

惠書責以不能如信陵執轡者。夫信陵戰國公子欲

以取士聲勢傾天下而然耳。如僕者自度若世無孔

子不當在弟子之列。以吾子始自山出有朴茂之美

而

意恐未礱以世事又自周後文弊百子為書各自名

家亂聖人之宗後生習傳雜而不貫故設問以觀吾

子其已成熟乎將以為友也其未成熟乎將以講去
其非而趨是耳不如六國公子有市於道者也方今
天下入仕惟以進士明經及卿大夫之世耳其人率
皆習熟時俗工於語言識形勢善候人主意故天下
靡靡日入于衰壞恐不復振起務欲進足下趨死不
顧利害去就之人於朝以爭救之耳非謂當今公卿
間無足下輩文學之識也不得以信陵比然足下衣
破衣繫麻鞋率然叩吾門吾待足下雖未盡賓主之

無治不可
得也

道不可謂亡意者。足下行天下。得此於人。蓋寡。乃遂
能責不足於我。此真僕所汲汲求者。議雖未中節。其
不肖阿曲以事人者。灼灼明矣。方將坐足下三浴而
三熏之。聽僕之所爲。少安無躁。

許遠論

李翰所爲張巡傳。頗詳密。然尚恨有闕者。不爲許遠
立傳。遠雖材。若不及巡者。開門延巡。位本巡上。授之
柄而處其下。無所疑忌。竟與巡俱守死。成功名城。陷
而虜與巡死先後異耳。兩家子弟材智下。不能通知
二賢志。以爲巡死而遠就虜。疑畏死而辭服於賊。遠

此論張

誠畏死何苦守尺寸之地食其所愛之肉以與賊抗而不降乎當其圍守時外無蚍蜉蠓子之援所欲忠者國與主耳而賊語以國亡主滅悟之遠見救援不至而賊來益衆必以其言爲信外無待而猶守死人相食且盡雖愚人亦能數日而知死處矣遠之不畏死亦明矣烏有城壞而其徒俱死獨蒙愧耻求活雖至愚者不忍爲嗚乎而謂遠之賢而爲之耶說者又謂遠與巡分城而守而城之陷自遠所分始以此語遠此又與兒童之見無異人之將死其臟腑必有先受其病者引繩而絕之其絕必有處觀者見其然從

而尤之其亦不達於理矣。小人之好議論不樂成人之美如是哉。如巡遠之所成就如此。卓卓猶不得免。其它則又何說。當二公之初守也。寧能知人之卒不救。棄城而逆遁。苟此不能守。雖避之。它處何益。及其亡救而且窮也。將其創殘飢羸之餘。雖欲去。必不遠。二公之賢其講精矣。守一城捍天下。以千之百就盡之。卒戰百萬日。滋之師蔽遮。江淮阻遏。其勢天下之不亡。其誰之功也。當是時。棄城而圖存者。不可一二數。擅強兵坐而觀者。相環也不過。議此而責二公以死守。亦見其自比於逆亂。設淫辭而助之攻也。

送鄭尚書序

嶺之南其州七十。其二十二隸嶺南節度府。其四十
餘分四府。府各置帥。然獨嶺南節度爲大府。大府始
至。四府必使其佐啟問起居謝守地。不得卽賀。以爲
禮。歲時必遣賀問致水土物。大府帥或道過其府。府
帥必戎服左握刀。右屬弓矢。帕首袴襜迎郊。及旣至
大府。帥先入據館。帥守屏若將趨入拜庭之爲者。大
府與之爲讓。至一再乃敢改服以賓主見。適位執爵
皆興拜。不許乃止。虔若小侯之事。大國有大事諮而
後行。隸府之州離府遠者至二千里。懸隔山海使必

晚內利官

客嶺南府之尊。

數月而後能至。蠻夷悍輕。易忽以變。其南州皆岸大

海。多洲島。颶風一日。踔數千里。漫濶不見踪跡。控御

左傳。錯落。變化。

失所。依險阻。結黨仇。機毒矢以待將吏。撞搪呼號以

相和。應。蜂屯蟻雜。不可爬梳。好則人怒。則獸故。常薄

其征。入。簡節而疎目。時有所遺漏。不究切之長養以

兒子。至紛不可治。乃艸薙而禽獮之。盡根株痛斷。乃

三。以。錄。嶺南之重任。

止其海外雜國。若耽浮羅。流求毛人。夷亶之州。林邑

扶南。真臘。于陀利之屬。東南際天地。以萬數。或時候

風潮朝貢。蠻胡賈人。舶交海中。若嶺南。帥得其人。則

一邊盡治。不相寇盜。賊沒無風魚之災。水旱疢毒之

看昌黎贊
鄭公無多
語人人則
觀否矣

患外國之貨日至。珠香象犀玳瑁奇物溢於中國。不
可勝用。故選帥常重于它鎮。非有文武威風。知大體。
可畏信者。則不幸往往有事。長慶三年四月。以工部

八本入

尚書鄭公為刑部尚書兼御史大夫往踐其任。鄭公

創述

嘗以節鎮襄陽。又帥滄景德棣歷河南尹華州刺史

皆有功德。可稱道入朝。為金吾將軍。散騎常侍。工部

略點綴

侍郎尚書家屬百人。無數畝之宅。僦屋以居。可謂貴

而能貧。為仁者不富之效也。及是命朝廷莫不悅。將

行公卿大夫士。苟能詩者咸相率為詩。以美朝政。以

結含音

慰公南行之思。韵必以來字者。所以祝公成政而來

歸疾也

送幽州李端公序

命意高結

体奇轉掣

從天降

通篇說司徒公三音

元年今相國李公為吏部員外郎愈嘗與偕朝道語

幽州司徒公之賢曰某前年被詔告禮幽州入其地

描、促、得、體、

迂勞之使里至每進益恭及郊司徒公紅帟首羈袴握刀左右雜佩弓韋服矢插房俯立迎道左某禮辭

曰公天子之宰禮不可如是及府又以其服即事某

又曰公三公不可以將服承命卒不得辭上堂即客

論時日更前

階坐必東向愈曰國家失太平於今六十年夫十日

十二子相配數窮六十其將復平平必自幽州始亂

命意大有

之所出也。今天子大聖司徒公勤於禮庶幾帥先河。

南北之將來觀奉職如開元時乎。李公曰然。今李公

既不放

既朝夕左右必數數焉爲上言元年之言殆合矣。端

公歲時來壽其親東都東都之大夫士莫不拜于門

其爲人佐甚忠意欲司徒公功名流千萬歲請以予

言爲使歸之獻

郭明龍曰作文要於世道人心朝綱民俗有關係
方可言用世之文苟辨諛人而已者耻也

送殷員外序

唐受天命爲天子凡四方萬國不問海內外無小大

咸臣順於朝時節貢水土百物大者特來小者附集

元和睿聖文武皇帝既嗣位悉治方內就法度十二

識見好

年詔曰四方萬國惟回鶻於唐最親奉職允謹丞相

其選宗室四品一人持節往賜君長告之朕意又選

後二應

學有經法通知時事者一人與之爲貳由是殷侯侑

自太常博士遷尚書虞部員外郎兼侍御史朱衣象

笏承命以行朝之大夫莫不出餞酒半右庶子韓愈

執蓋言曰殷大夫今人適數百里出門惘惘有別離

不遇經

可憐之色持被入直三省丁寧頗婢子語刺刺不能

休今子使萬里外國獨無幾微由子言面豈不真如

輕重大丈夫哉丞相以子應詔真誠知人士不通經
果不足用於是相屬爲詩以道其行云

送楊少尹序

引古之議論

二疏美
少尹而事
子虛景饒
弄故出沒
變化不可
勝言

晉疏廣受二子以年老一朝辭位而去于時公卿設
供張祖道都門外車數百兩道路觀者多歎息泣下
共言其賢漢史旣傳其事而後世工畫者又圖其迹
至今照人耳目赫赫若前日事國子司業楊君巨源
方以能詩訓後進一旦以年滿七十亦白丞相去歸
其鄉世常說古今人不相及今楊與二疏其意豈異
也予忝在公卿後遇病不能出不知楊侯去時城門

一篇○情○景○在○過○病○上○

外、送、者、幾、人、車、幾、兩、馬、幾、匹、道、旁、觀、者、亦、有、歎、息、知、
其、爲、賢、以、否、而、太、史、氏、又、能、張、大、其、事、爲、傳、繼、二、疏、
踪、跡、否、不、落、莫、否、見、今、世、無、工、畫、者、而、畫、與、不、畫、固、
不、論、也、轉然、吾、聞、楊、侯、之、去、丞、相、有、愛、而、惜、之、者、自、以、

爲、其、都、少、尹、不、絕、其、祿、又、爲、歌、詩、以、勸、之、京、師、之、長、

於、詩、者、亦、屬、而、和、之、又、不、知、當、時、二、疏、之、去、有、是、事、
雙、無、更、奇、

否、古、今、人、同、不、同、未、可、知、也、中、世、士、大、夫、以、官、爲、家、
苦、甚、

罷、則、無、所、于、歸、楊、侯、始、冠、舉、於、其、鄉、歌、鹿、鳴、而、來、也、

今、之、歸、指、其、樹、曰、某、樹、吾、先、人、之、所、種、也、某、水、某、丘、
有、生、色、讀、之、自、當、解、頓、

吾、童、子、時、所、釣、遊、也、鄉、人、莫、不、加、敬、誠、子、孫、以、楊、侯、

不去其鄉爲法古之所謂鄉先生物而可祭於社者
其在新人歟其在斯人歟深許之而有憾于它人者多矣

送孟東野序

興

看七〇調句

二鳴字成

文乃獨倡

杭軸命世

筆力也前

此唯漢書

敘蕭何追

韓信用數

十亡字

答孟郊詩

親模皆胸

利文字觀

天巧人皆

大凡物不得其平則鳴。艸木之無聲風撓之鳴。水之
無聲風蕩之鳴。其躍也或激之其趨也或梗之其沸
也或炙之金石之無聲或擊之鳴人之於言也亦然
有不得已者而後言其謫也有思其哭也有懷兒出
乎口而爲聲者其皆有弗平者乎樂也者鬱於中而
泄於外者也擇其善鳴者而假之鳴金石絲竹匏土
革木八者物之善鳴者也維天之於時也亦然擇其

餘酒肉子
獨不得飽
又醉留東
野我願身
爲雲東野
變爲龍四
方上下逐
東野

善鳴者而假之鳴。是故以鳥鳴春。以雷鳴夏。以蟲鳴
秋。以風鳴冬。四時之相推敘。其必有不得其平者乎。
其於人也亦然。人聲之精者爲言。文辭之於言。又其
精也。尤擇其善鳴者而假之鳴。其在唐虞。咎陶禹其
善鳴者也。而假以鳴。夔弗能以文辭鳴。又自假於韶
以鳴。夏之時。五子以其歌鳴。伊尹鳴。殷周公鳴。周凡
載於詩書六藝皆鳴之。善者也。周之衰。孔子之徒鳴。
之其聲大而遠。傳曰。天將以夫子爲木鐸。其弗信矣。
乎其末也。莊周以其荒唐之辭鳴。楚大國也。其亡也
以屈原鳴。臧孫辰孟軻荀卿以道鳴者也。揚朱墨翟

調張糖言
度發多見
之畫思久
帶平又口
吾老各請
書餘事不

管夷吾晏嬰老聃申不害韓非春到田駢鄒衍尸佼
孫武張儀蘇秦之屬皆以其術鳴。秦之興李斯鳴之。
漢之時司馬遷相如楊雄最其善鳴者也。其下魏晉
氏鳴者不及於古。然亦未嘗絕也。就其善者其聲清
以浮其節數以急其辭淫以哀其志弛以肆其爲言
也。亂襍而無章。將天醜其德莫之顧耶。何爲乎不鳴。
其善鳴者也。唐之有天下陳子昂蘇源明元結李白
杜甫李觀皆以其所能鳴。其存而在下者孟郊東野
始以其詩鳴。其高出魏晉不懈而及於古。其宅浸淫
乎漢氏矣。從吾遊者李翱張籍其尤也。二子者之鳴。

性理又卷
書化當世
莫若口傳
本世莫若
書

博博如天
如如與雲
飛不遇之
感借酒上
歎美

承接妙

信善矣抑不知天將和其聲而使鳴國家之盛耶抑
將窮餓其身思愁其心腸而使自鳴其不幸耶三子
者之命則懸乎天矣其在上也奚以喜其在下也奚
以悲東野之役於江南也有若不釋然者故吾道其
命於天者以解之

送王秀才序

一 蔣桂

吾少嘗讀醉鄉記私怪隱居者無所累於世而猶有
是言豈誠肯於味邪及讀阮籍陶潛詩乃知彼雖偃
蹇不欲與世接然猶未能平其心或為事物是非相
感發于是有託而逃焉者也若顏氏子操觚與簞

送劉師復
詩勉哉
其業以待
歲晚取又
云鶴持令
名歸自足
貽家尊皆
渾然端厚
之旨

參歌聲若出金石彼得聖人而師之汲汲每若不可
及其於外也固不暇尚何翅蘖之託而昏冥之逃邪
吾又以爲悲醉鄉之徒不遇也建中初天子嗣位有
意貞觀開元之丕績在廷之臣爭言事當此時醉鄉
之後世又以直廢吾旣悲醉鄉之文辭而又嘉良臣
之烈思識其子孫今子之來見我也無所挾吾猶將
張之。况文與行不失其世守渾然端且厚惜乎吾力
不能振之。而其言不見信於世也。於其行姑與之飲
酒。

送高閒上人序

口真截
久理

神解語使
也見之當
絕倒

苟○可○以○寓○其○巧○智○使○機○應○於○心○不○挫○於○氣○則○神○完○而○
守○固○雖○外○物○至○不○膠○於○心○堯○舜○禹○湯○治○天○下○養○叔○治○
射○庖○丁○治○牛○師○曠○治○音○聲○扁○鵲○治○病○僚○之○於○九○秋○之○
於○奕○伯○倫○之○於○酒○樂○之○終○身○不○厭○奚○暇○外○慕○夫○外○慕○
徒○業○者○皆○不○造○其○堂○不○濟○其○域○者○也○達○時○張○旭○善○草○
書○不○治○它○伎○喜○怒○窘○窮○憂○悲○愉○佚○怨○恨○思○慕○酣○醉○無○
聊○不○平○有○動○於○心○必○於○草○書○焉○看心、微、說癸○之○觀○於○物○見○山○水○
崖○谷○鳥○獸○蟲○魚○艸○木○之○花○實○日○月○列○星○風○雨○水○火○雷○
霆○霹○靂○歌○舞○戰○鬪○天○地○事○物○之○變○可○喜○可○愕○一○寓○於○
書○故○旭○之○書○變○動○循○鬼○神○不○可○端○倪○以○此○終○其○身○而○

開○闢○以○來○奇○崛○處○

容

名後世今閒之於草書有旭之心哉不得其心而逐其跡未見其能旭也為旭有道利害必明亡遺錙銖情炎於中利欲鬪進有得有喪勃然不釋然後一決於書而後旭可幾也今閒師浮屠氏一死生解外膠是其為心必泊然無所起其於世必淡然無所嗜泊與淡相遭頽墮委靡潰敗不可收拾則其於書得無象之然乎然吾聞浮屠人善習多技能閒如通其術則吾不能知矣

送王秀才序

如此起論自竟源深而流長此文家極占地位處句吾常以為孔子之道大而能博門弟子不能徧觀而

通篇以孟
子作主是
退之立自
已門戶故
其文有雄
視一世氣

字之文不。教。而。屈。矣。

盡識也故學焉而皆得其性之所近其後離散分處

諸侯之國又各以所能授弟子原遠而未益分蓋子

夏之學其後有田子方子方之後流而為莊周故周

之後喜稱子方之為人荀卿之書語聖人必曰孔子

子弓子弓之事業不傳惟太史公書弟子傳有姓名

字曰馯臂子弓子弓受易於商瞿孟軻師子思子思

之學蓋出曾子自孔子沒群弟子莫不有書獨孟軻

氏之傳得其宗故吾少而樂觀焉太原王填示予所

承土說來

為文好舉孟子之所道者與之言信悅孟子而屢贊

有分寸

其文辭夫沿河而下苟不止雖有遲疾必至於海如

不得其道也雖疾不止終莫幸而至焉故學者必慎其所道道於楊墨老莊佛之學而欲之聖人之道猶航斷港絕潢以望至於海也故求觀聖人之道必自孟子始今墳之所由既幾於知道如又得其船與櫂知沿而不止嗚乎其可量也哉

送區冊序

昌黎先生
官時
信陵
侯

陽山天下之窮處也陸有丘陵之險虎豹之虞江流悍急橫波之石廉利侔劒戟舟上下失勢破碎淪溺者遑遑有之縣郭無居民官無丞尉夾江荒茅簞竹之間小吏十餘家皆鳥言夷面始至言語不通畫地

彭華所
說兩王
子不去

爲字然後可告以出租賦奉期約是以賓客遊從之
士無所爲而至愈待臯於斯且半歲矣有區生者誓
言相好自南海拏舟而來升自賓階儀觀甚偉坐與
之語文義卓然莊周云逃空虛者聞人足音蛩然而
喜矣况如斯人者豈易得哉入吾室聞詩書仁義之
說欣然喜若有志於其間也與之翳嘉林坐石碗投
竿而漁陶然以樂若能遺外聲利而不厭乎貧賤也
歲之初吉歸拜其親酒壺旣傾序以識別

送廖道士序

五岳於中州衡山最遠南方之山巍然高而大者以

戶
關永叔
以此一

百數獨衡為宗最遠而獨為宗其神必露衡之南

又一跌

九百里地益高山益峻水清而益駛其最高而橫絕

奇

南非者嶺邳之為州在嶺之上測其高下得三之二

又括前

焉中州清淑之氣于是焉窮氣之所窮盛而不過必

奇

蜿蟺扶輿磅礴而鬱積衡山之神既露而邳之為州

又容影一層

又當中州清淑之氣蜿蟺扶輿磅礴而鬱積其水土

才の入正の論

之所生神氣之所感白金水銀丹砂石英鍾乳橘柚

之包竹箭之美千尋之名材不能獨當也意必有魁

奇忠信才德之民生其間吾又未見也其亡乃迷惑

溺沒于佛老之學而不出邪廖師櫛屨而學於衡山

氣專而容宋多藝而善游豈吾所謂魁奇而迷溺者
邪廖師善知人若不在其身必在其所與游訪之而
不吾告何也於其別申以問之

石鼎聯句詩序

世上小兒
喜弄文字
讀此汗下
否

元和七年十二月四日衡山道士軒轅彌明自衡下
來舊與劉師服進士衡湘中相識將過太白知師服
在京夜抵其居宿有校書郎侯喜新有能詩聲夜與
劉說詩彌明在其側貌極醜白鬚黑面長頸而高結
喉中又作楚語喜視之若無人彌明忽軒衣張眉指
鑪中石鼎謂喜曰子云能詩能與我賦此乎劉逞見

好奇者往
往苦不能
奇不必遇
與人也

衡湘間人說云年九十餘矣解捕逐鬼物拘囚蛟螭
虎豹不知其實能否也見其老頗貌敬之不知其有
文也聞此說大喜卽援筆題其首兩句次傳於喜喜
踊躍卽綴其下云云道士啞然笑曰子詩如是而已
乎卽袖手竦肩倚北墻坐謂劉曰吾不解世俗書子
爲我書因高吟曰龍頭縮菌蠢豕腹漲彭亨初不似
經意詩旨有似譏喜二子相顧慙駭欲以多窮之卽
又爲而傳之喜喜思益苦務欲壓道士每營度欲出
口吻聲鳴益悲操筆欲書將下復止竟亦不能奇也
畢卽傳道士道士高踞大唱曰劉把筆吾詩云云其

道士亦可
惡此人伎
倆并盡于
發語

不用意而功益奇。不可附說。語皆侵劉。侯喜益忌之。
劉與侯皆已賦十餘韵。彌明應之如響。皆頽脫含譏。
諷。夜盡三更。二子思竭。不能續。因起謝曰。尊師非世
人也。某伏矣。願爲弟子。不敢更論詩。道士奮曰。不然。
章不可以不成也。又謂劉曰。把筆來。吾與汝就之。卽
又唱出四十字爲八句書訖。使讀。讀畢。謂二子曰。章
不已就乎。二子齊應曰。就矣。道士曰。此皆不足與語。
此寧爲文邪。吾就子所能而作耳。非吾之所學于師。
而能者也。吾所能者。子皆不足以聞也。獨文乎哉。吾
語亦不當聞也。吾閉口矣。二子大恩。皆起立床下拜。

曰不敢它有問也願聞一言而已先生稱吾不解人間書敢問解何書請聞此而已道士宋然若亡聞也累問不應二子不自得卽退就座道士倚牆睡鼻息如雷鳴二子怛然失色不敢喘斯須曙鼓鼙鼙二子亦困遂坐睡及覺日已上驚顧覓道士不見卽問童奴奴曰天且明道士起出門若將便旋然奴怪久不返卽出到門覓亡有也二子驚惋自責若有失者聞遂詣予言予不能識其何道士也嘗聞有隱君子彌明○豈其人邪○

張中丞傳後敘

古論大都
載前遠論
茲更詳南
零雲十高
事而刻之

元和二年四月十三日夜愈與吳郡張籍閱家中舊

書得李翰所為張巡傳翰以文章自名為此傳頗詳

密然尚恨有闕者不為許遠立傳又不載雷萬春事

以下皆補 翰所不及而發揮

首尾遠雖材若不及巡者開門納巡位本在巡上授

先了它事却辨其誣

之柄而處其下無所疑忌竟與巡俱守死成功名城

陷而虜與巡死先後異耳兩家子弟材智下不能通

知二父志以為巡死而遠就虜疑畏死而辭服於賊

一、段、解、

遠誠畏死何苦守尺寸之地食其所愛之肉以與賊

洗○法○痛○快○人○骨○斷○

抗而不降乎當其圍守時外無蚍蜉蠅子之援所欲

忠者國與主耳而賊語以國亡主滅遠見舊援不至

而賊來益衆必以其言爲信外無待而猶死守人相
食且盡雖愚人亦能數日而知死處矣遠之不畏死
亦明矣烏有城壞其徒俱死獨蒙媿耻求活雖至愚
者不忍爲嗚呼而謂遠之賢而爲之邪說者又謂遠
與廵分城而守城之陷自遠所分始以此詬遠此又
與兒童之見無異人之將死其臟腑必有先受其病
者引繩而絕之其絕必有處觀者見其然從而尤之
其亦不達於理矣小人好議論不樂成人之美如
是哉如廵遠之所成就如此卓卓猶不得免其它則
又何說當二公之初守也寧能知人之卒不救棄城

忍住

以上專爲世

之謗

遠者認而直之

以下

總并

而逆遁苟此不能守雖避之它處何益及其無救而

且窮也將其創殘餓羸之餘雖欲去必不達當時必有謂二

公當去之大郡而守之不當守睢陽小邑以自困者二公之賢其講之精矣守

一城捍天下以千百就盡之卒戰百萬日滋之師救

遮江淮沮遏其勢天下之不亡其誰之功也當是時

棄城而圖存者不可一二數擅強兵坐而觀者相環

也不追議此而責二公以死守亦見其自比於逆亂

設淫辭而助之攻也愈嘗從事于汴徐二府屢道於

兩府間親祭於其所謂雙廟者其老人往往說巡遠

時事云南霽雲之乞救於賀蘭也賀蘭嫉巡遠之聲

隋二段
以下南霽雲事凡乞救城

威功績出已上不肖出師救愛霽雲之勇且壯不聽
其語強留之具食與樂延霽雲坐霽雲忼慨語曰雲
來時睢陽之人不食月餘日矣雲雖欲獨食義不忍
雖食且不下咽因拔所佩刀斷一指血淋漓以示賀
蘭一座大驚皆感激爲雲泣下雲知賀蘭終無爲雲
出師意即馳去將出城抽矢射佛寺浮圖矢著其上
輒半箭曰吾歸破賊必滅賀蘭此矢所以志也愈貞
元中過泗州船上人猶指以相語城陷賊以刃脇降
巡巡不屈卽牽去將斬之又降霽雲雲未應巡呼雲
曰南人男兒死耳不可爲不義屈雲笑曰欲將以有

又卽張籍言 跋

爲也。公有言雲：敢不死，卽不屈。張籍曰：有于嵩者，少依於巡，及巡起事，嵩常在圍中。籍大曆中於和州烏江縣見嵩。嵩時年六十餘矣，以巡初嘗得臨渙縣尉，好學，亡所不讀。籍時尚小，粗問巡遠事，不能細也。云巡長七尺餘，鬚髯若神，嘗見嵩讀漢書，詔嵩曰：何爲久讀此？嵩曰：未熟也。巡曰：吾於書讀不過三遍，終身不忘也。因誦嵩所讀書，盡卷不錯一字。嵩驚以爲巡偶熟此卷，因亂抽它帙以試，無不盡。然嵩又取架上諸書試以問巡，巡應口誦無疑。嵩從巡久，亦不見巡常讀書也。爲文章，操紙筆立書，未嘗訛舛。初守睢陽。

時士卒僅萬人城中居人戶亦且數萬巡因一見問
姓名其後亡不識者巡怒鬚髯輒張及城陷賊縛巡
等數十人坐且將戮巡起旋其衆見巡起或起或泣
巡曰汝勿怖死命也衆泣不能仰視巡就戮時顏色
不亂陽陽如平常遠寬厚長者貌如其心與巡同年

生月日後於巡呼巡爲兄死時年四十九嵩貞元初
又了于嵩案死於毫宋間或傳嵩有田在毫宋間武人奪而有之

嵩將詣州訟理爲所殺嵩無子張籍云

藍田縣丞廳壁記

丞之職所以貳令於一邑無所不當問其下主簿尉

憶當世之
丞不得
其職故
壁記以點
綴之而詞
氣多滯宕
可詭
去去都亞
卿外省石
輅何獨不
然

主簿尉乃有分職丞位高而偏例以嫌不可否事文

飲、如、屈、

書行吏抱成案詣丞卷其前鉗以左手右手摘紙尾

鴈驚行以進平立晚丞曰當署丞涉筆占位署惟謹

日吏問可不可吏曰得則退不敢略省漫不知何事

必唐故時有此謔

官雖尊力勢反出主簿尉下諺數慢必曰丞至以相

訾警丞之設豈端使然哉博陵崔斯立種學績文以

蓄其有泓涵演迤日大有肆貞元初挾其能戰藝於

京師再進再屈於人元和初以前大理評事言得失

黜官再轉而為丞茲邑始至喟曰官無卑顧材不足

案職既繁不得施用又喟曰丞哉丞哉予不負丞而

丞負余則盡枿去牙角一驕故跡破崖岸而爲之丞
廳故有記壞漏汚不可讀斯立易棉與瓦墁治壁悉
書前任人名氏庭有老槐四行南竈鉅竹千挺儼立
若相待水瀦瀦循除鳴斯立痛掃溉對對二松日哦
其間有問者輒對曰余方有公事子始去

畫記

陡然起看、它、句、句、別、妙、處、

妙處有物
數麗雜而
詮次獨悉
於其記可
以知其爲
之絕世矣
其文之
奇出者矣

雜古今人物小畫共一卷騎而立者五人騎而被甲
載兵立者十人一人騎執大旗前立騎而被甲載兵
行且下牽者十人騎且負者二人騎執器者二人騎
擁田犬者一人騎而牽者二人騎而驅者三人執羈

然成丘陵
者呀然成
谷窪者爲
池而缺者
爲洞

勒立者二人騎而下倚馬臂隼而立者一人騎而驅
涉者二人徒而驅牧者二人坐而指使者一人甲冑
手弓矢鈇鉞植者七人甲冑執幟植者十人負者七
人偃寢休者二人甲冑坐睡者一人方涉者一人坐
而脫足者一人寒附火者一人雜執器物役者八人
奉壺矢者一人舍而具食者十有一人挹且注者四
人牛牽者二人驢驅者四人一人杖而負者婦人以
孺子載而可見者六人載而上下者三人孺子戲者
九人凡人之事三十有二爲人大小百二十有四
莫有同者焉馬大者九匹於馬之中其有壯者下者

行者牽者涉者陸者翹者顧者鳴者寢者訛者立者
人立者齧者飲者洩者陟者降者痒磨樹者噓者嗅
者喜相戲者怒相踚齧者秣者騎者驟者走者載服
物者載狐兔者凡馬之事二十有七為馬小大八十
有三而莫有同者馬牛大小十一頭橐駝三頭驢如
子齊物橐駝之數而加其一焉隼一犬羊狐兔麋鹿共三十
疋車三兩襍兵器弓矢旌旗刀劍矛楯弓服矢房甲
冑之屬餅盂簠笠筐筥錡釜飲食服用之器壺矢博
物亦作三疊文奕之具二百五十有一皆曲極其妙

知名箴

一者皆字
發心

有頭腦

內不足者。急於人知。需焉有餘。厥輦四馳。今日告汝。
知名之法。勿病亡聞。病其曄曄。昔者子路。惟恐有聞。
赫然千載。惠譽愈尊。矜汝文章。負汝言語。乘人不能。
揜以自取。汝非其父。汝非其師。不請而教。誰云不欺。
欺以賈憎。揜以媒怨。汝曾不寤。以及於難。小人在辱。
亦克知悔。及其既寧。終莫能戒。既出汝心。又銘汝前。
汝如不顧禍。亦宜然。

南海神廟碑

海於天地間。爲物最鉅。自三代聖王。莫不祀事。考於
傳記。而南海神次最貴。在北東西三神河伯之上。號

爲祝融天寶中天子以爲古爵莫貴於公侯故海岳
之祝犧幣之數放而依之所以致崇極於大神今王
亦爵也而禮海岳尚循公侯之事虛王儀而不用非
致崇極之意也由是冊尊南海神爲廣利王祝號祭
式與次俱昇因其故廟易而新之在今廣州治之東
南海道八十里扶胥之口黃木之灣常以立夏氣至
○暗○伏○委○一○事○於○其○副○與○誓○有○司○命廣州刺史行事祠下事訖驛聞而刺史常節度五

嶺諸軍仍觀察其郡邑於南方事無所不統地大以
遠故常選用重人旣貴而富且不習海事又當祀時
海常多大風將逞皆憂感旣進觀顧怖悸故常以疾
○怪○

詳而不繁

詳而不繁

故時刺史之不能以社修祠事而神之譴

故時刺史之不能以社修祠事而神之譴

世如彼

○領○袖○

含事神意

今刺史孔公獨能以禮修祠事而神之享且

應也○如○此

應也○如○此

顚○竟○生○色○

顚○竟○生○色○

賦頌
敘事而辭
朱絢爛

下以供晨事明日吏以風雨白不聽於是州府文武

吏士凡百數交謁更諫皆揖而退公遂陞舟風雨少

弛懼夫奏功雲陰解駁日光穿漏波伏不興省牲之

夕載陽載陰將事之夜天地開除月星明概五鼓既

作牽牛正中公乃盛服執笏以入卽事文武賓屬俯

首聽位各執其職牲肥酒香尊爵淨潔降登有數神

具醉飽海之百靈心怪慌惚畢出蜿蜿蚺蚺來享飲

食闔廟旋臚祥飈送颿旗纛旄麾飛揚晻藹饒鼓嘲

韓高管噉譟武夫奮懼工師唱和穹龜長魚踊躍後

先乾端坤倪軒豁呈露祀之之歲風災熄滅人厭魚

蟹五穀胥熟明年祀歸又廣廟宮而大之治其庭壇

以此一段氣格正詳于祠而省于此此射○

改作東西兩序齋庖之房百用具修明年其時公又

焉○手○也○

倒說上

固往不懈益虔歲仍大和耄艾歌永始公之至盡除

以下並紀孔公政績

它名之稅罷衣食於官之可去者四方之使不以資

治人

交以身爲帥燕享有時賞與以節公藏私畜上下與

足於是免屬州負逋之緡錢廿有四萬米三萬二千

斛賦金之州耗金一歲八百困不能償皆以丐之加

西南守長之俸誅其尤無良不聽令者由是皆自重

慎法人士之落南不能歸者與流徙之胥百廿八族

用其才良而廩其無告者其女子可嫁與之錢財令

無失時刑德並流地方數千里不識盜賊山行海宿
不擇處所事神治人其可謂備至耳矣咸願刻廟石
以著厥美而繫以詩乃作詩曰
南海陰墟祝融之宅卽祀于旁帝命南伯吏情不躬
正自今公明用享錫右我家邦惟明天子惟慎厥使
我公在官神人致喜海嶺之陬旣足旣濡胡不均弘
俾執事樞公行勿遲公無遽歸匪我私公神人俱依
郭明龍曰此文特以祀事爲案海神固不可知也
得體

曹成王碑

直敘

王姓李氏諱臯字子蘭謚曰成其先王明以太宗子

男

句○句○字○字○洗○

○

國曹絕復封傳五王至成王成王嗣封在玄宗世蓋

於時年十七八紹爵三年而河南北兵作天下震擾

王奉母太妃逃禍民伍得間走蜀從天子天子念之

自都水使者拜左領軍衛將軍轉貳國子秘書王生

迫

十年而失先王哭泣哀悲弔客不忍聞喪除痛刮磨

豪習委已於學稍長重知人情急世之要耻一不通

○

此是昌黎慣用法

侍太妃從天子于蜀既孝既忠持官持身內外斬斬

由是朝廷滋欲試之於民上元元年除温州長史行

刺史事江東新剏於兵旱飢民交走死無弔王及

竹白字字
著意

孝子委曲
苦心盡力
摹寫

州不解衣下令拊鎖擴門悉棄倉實與民活數十萬
人奏報升秩少府與平表賊仍徙秘書兼州別駕部
告無事遷真于衡法成令修治出張施聲生勢長觀
察使噎倡不能出氣誣以過犯御史助之貶潮州刺
史楊炎起道州相德宗還王于衡以直前謾王之遭
誣在理念太妃老將驚而戚出則囚服就辨入則擁
笏垂魚坦坦施施即貶于潮以遷入賀及是然後跪
謝告實初觀察使虐使將國良往戍界良以武岡判
戍衆萬人歛兵荆黔洪桂伐之二年尤張于是以王
師河南將五萬士以討良爲事王至則屏兵投良以

姓名

惜乎此書不傳

書中其忌諱良羞畏乞降狐鼠進退王即假爲使者

成王是奇男于昌黎紀次其曲盡

從一騎蹕五百里抵良壁鞭其門大呼我曹王來受
良降良今安在良不得已錯愕迎拜盡降其軍太妃

薨王棄部隨喪之河南葬及荆被詔責還會梁崇義

反王遂不敢辭以還升秩散騎常侍明年李希烈反

遷御史大夫授節帥江西以討希烈命至王出其外

舍禁無以家事關我哀兵大選江州群能著職王親

惟陳言之務去此月黎奇怪處

教之搏力勾卒羸越之法曹誅五界艦步二萬人以

與賊選嘍鋒蔡山踣之剋斬之黃梅大鞬長平鏖廣

濟掀斬春撤斬水掇黃岡筴漢陽行此汴川還大勝

斬水界中披安三縣拔其州斬僞刺史標光之北山
諸隨光化梏其州十抽一推收兵州東北屬鄉還開
軍受降大小之戰三十有二取五州十九縣民老幼
婦女不驚市賈不變田之果穀下無一跡加銀青光
祿大夫工部尚書改戶部再換節臨荆及襄真食三
百王之在兵天子西巡于梁希烈北取汴鄭東略宋
圍陳西取汝薄東都王坐南方北向落其角距賊死
咋不能入寸尺亡將卒十萬盡輸其南州王始政於
溫終政於襄恒平物估賤歛貴出民用有經一吏軌
民使令家聽戶視奸究亡所宿府中不聞急步疾呼

治民兵用各有條次。世傳爲法。任馬彛將。慎將。鏐將。潛偕盡其力。能薨。贈右僕射。元和初。以子道古在朝。更贈太子太師。道古進士。司門郎。刺利。隨唐睦。徵爲少宗正兼御史中丞。以節督黔中。朝京師。改命觀察。鄂岳。斬沔安黃。提其師。以伐蔡。且行泣曰。先王討蔡。實取沔。斬安黃。寄惠未亡。今予亦受命有事于蔡。而四州適在吾封。庶其有集。先王薨于今二十五年。吾昆弟在而墓碑不刻。無文人實有待。子無用辯。乃序而詩之。辭曰。

叙略者 詳之于一銘

太支十三曹於弟季或亡或微曹始就事曹之祖王

畏塞絕遷零王黎公不聞僅存子父易封三王守名
延延百載以有成王成王之作一自其躬文被明章
武薦峻功蘇枯弱強齟其奸猖以報于宗以昭于王
王亦有子處王之所唯舊之視蹙蹙陞陞實取實似
刻詩其碑爲示無止

公所自謂閔中肆外摘挾幽微陳言務去是也

平淮西碑

天以唐克肖其德聖子神孫繼繼承承於千萬年敬
戒不怠全付所覆四海九州岡有内外悉主悉臣高
祖太宗旣除旣治高宗中睿休養生息至于玄宗受
報收功極熾而豐物衆地大孳牙其間肅宗代宗德

祖順考以勤以容大憲適去稂秀不孃相臣將臣文
恬武嬉習熟見聞以為當然睿聖文武皇帝既受群

臣朝乃考圖數貢曰嗚呼天既全付予有家今傳次

在予予不能事事其何以見于郊廟羣臣震懾奔走

率職明年平夏又明年平蜀又明年平江東又明年

平澤路遂定易定致魏博貝衛瀆相無不從志皇帝

曰不可究武予其少息九年蔡將死蔡人立其子元

濟以請不許遂燒舞陽犯葉襄城以動東都放兵四

劫皇帝歷問于朝一二臣外皆曰蔡帥之不廷授于

今五十年傳三姓四將其樹本堅兵利卒頑不與他

包藏不可測又不可露

將起特選机

主

從容處敘及平淮

客

等因撫而有順且無事大官臆決唱聲萬口和唱并
為一談牢不可破皇帝曰惟天惟祖宗所以付任予

者庶其在此予何敢不力況一二臣同不為無助日

以一二往次如畫清塗可觀

光顏汝為陳許帥維是河東魏博邵陽三軍之在行

者汝皆將之曰重胤汝故有河陽懷今益以汝維是

朔方義成陝益鳳翔延慶上軍之在行者汝皆將之

曰弘汝以卒萬二千屬而子公武往討之曰文通汝

守壽維是宣武淮南宣歙浙西四軍之行于壽者汝

皆將之曰道古汝其觀察鄂岳曰愬汝帥唐鄧隨各

以其兵進戰曰度汝長御史其往視師曰度惟汝予

同汝遂相予以賞罰用命不用命曰弘汝其以節都

統諸軍曰守謙汝出入左右汝惟近臣其往撫師曰

婦重度度凡三見

度汝其往衣服飲食予士無寒無飢以既厥事遂生

蔡人賜汝節斧通天御帶衛卒三百凡茲廷臣汝擇

自從惟其賢能無憚大吏庚申予其臨門送汝曰御

用意看開語

史予閔士大夫戰甚苦自今以往非郊廟祠祀其無

以下諸將會變方第

用樂顏胤武合攻其非大戰十六得柵城縣二十三

降人卒四萬道古攻其東南入戰降萬三千再入申

破其外城文通戰其東十餘遇降萬二千愬入其西

得賊將輒釋不殺用其策戰比有功十二年八月丞

相度至師都統弘責戰益急顏胤武合戰益用命元
濟盡并其衆洄曲以備十月壬申愬用所得賊將自
文城因天大雪疾馳百二十里用夜半到蔡破其門
取元濟以獻盡得其屬人卒辛巳丞相度入蔡以皇
帝命赦其人淮西平大饗賚功師還之日因以其人
賜蔡人凡蔡卒三萬五千其不樂爲兵願歸爲農者
十九悉縱之斬元濟京師冊功弘加侍中愬爲左僕
射帥山南東道顏胤皆加司空公武以散騎常侍郎
鄜坊丹延道古進大夫文通加散騎常侍丞相度制
京師道封晉國公進階金紫光祿大夫以舊官相而

次賞功次第有差

以其副總爲工部尚書領蔡任既還奏群臣請紀聖

功被之金石皇帝以命臣愈臣愈再拜稽首而獻文

頌文淋瀝從橫并命繩心介

曰唐承天命遂臣萬邦孰居近土襲盜以狂逞在玄

客

宗崇極而圯河北悍驕河南附起四聖不宥屢興師

征有不能克益戍以兵夫耕不食婦織不裳輸之以

車爲卒賜糧外多失朝曠不岳符百吏怠官事亡其

客

舊帝時繼位顧瞻咨嗟惟汝文武孰恤予家既斬吳

主

蜀旋取山東魏將首義六州降從淮蔡不順自以爲

強提兵咄謹欲事故常始命討之遂連奸鄰陰遣刺

按一管

客來賊相臣方戰未利內驚京師群公上言莫若惠

有分曉

田蔡人語
感動鄰國

來、今、相、從、戲、里、門、夜、開、始、時、蔡、人、進、戰、退、戮、今、肝、而、
○王○者○之○政○
起、左、殄、右、弼、爲、之、擇、人、以、收、餘、億、選、吏、賜、牛、教、而、不、
稅、蔡、人、有、言、始、迷、不、知、今、乃、大、覺、羞、前、之、爲、蔡、人、有、
平、淮、之、外、復、縱、一、着、
言、天、子、明、聖、不、順、族、誅、順、保、性、命、汝、不、吾、信、視、此、蔡、
方、孰、爲、不、順、往、斧、其、吭、凡、叛、有、數、聲、勢、相、倚、吾、強、不、
支、汝、弱、奚、恃、其、告、而、長、而、父、而、兄、奔、走、偕、來、同、我、太、
一、總、
平、淮、蔡、爲、亂、天、子、伐、之、既、伐、而、飢、天、子、活、之、始、議、伐、
蔡、卿、士、莫、隨、既、伐、四、年、小、大、並、疑、不、赦、不、疑、由、天、子、
此、二、句、平、淮、之、案、
明、凡、此、蔡、功、惟、斷、乃、成、既、定、淮、蔡、四、夷、畢、來、
堂、坐、以、治、之、
收、語、有、不、盡、之、意、妙、

殿中少監馬君墓志銘

君諱繼祖司徒贈太師北平莊武王之孫少府監贈

龍目錄心
刀迎綾註

太子少傅諱暢之子生四歲以門功拜太子舍人積

劉章棘句

三十四年五轉而至殿中少監年三十七以卒有男

猶掩胃腎

年壽男六十五字

八人女二人始予初冠應進士貢在京師窮不自存

以故人稚弟拜北平王子馬前王問而憐之因得見

於安邑里第王軫其寒飢賜食與衣召二子使爲之

主其季遇我特厚少府監贈太子少傅者也姆抱幼

子立側眉眼如畫髮漆黑肌肉玉雪可念殿中君也

一品題甚妙

當是時見王子北亭猶高山深林鉅谷龍虎變化不

測傑魁人也退見少傅翠竹碧梧鸞鳴停峙能守其
業者也幼子娟好靜秀瑤環瑜珉蘭茁其牙稱其家
兒也後四五年吾成進士去而東游哭非平王於客
舍後十五六年吾爲尚書都官郎分司東都而分府
火傳卒哭之又十餘年至今哭少監焉嗚呼吾未耄
只、葬、句、无、限、悲、酸、
老○自○始○至○今○未○四○十○年○而○哭○其○祖○子○孫○三○世○于○人○世○
何○如○也○人○欲○久○不○死○而○觀○居○此○世○者○何○也○

唐荆川曰此歐文黃夢升張應之諸作之祖

郭明龍曰因少監而及其三代弟兄無一語道少

監生平止就交情上生感另是一格

柳子厚墓志銘

子厚諱宗元七世祖慶爲拓跋魏侍中封濟陰侯曾

旁及曾伯祖者以顯也

伯祖奭爲唐宰相與褚遂良韓瑗俱得罪武后死高

於維貞耀

宗朝皇考諱鎮以事母棄太常博士求爲縣令江南

益執不倚

維出不嘗

維卒不施

以昌其詩

亦不妄許

一字此謂

之相知

其後以不能媚權貴失御史權貴人死乃復拜侍御

史號爲剛直所與游皆當世名人子厚少精敏無不

通達逮其父時雖少年已自成人能取進士第嶄然

與而易

見頭角衆謂柳氏有子矣其後以博學宏詞授集賢

殿正字儁傑廉悍議論證據今古出入經史百子

屬風發率常屈其座人名聲大振一時皆慕與之交

說宅文章
不多及

鄭州之政

以言者詳

見羅池廟

解其地

不書他書

賜子一節

據其有德

子民之大

諸公要人爭欲令出我門下交口薦譽之貞元十九

子厚

年由藍田尉拜監察御史順宗即位拜禮部員外郎

○不○露○王○叔○文○章○姓○名○

遇用事者得罪例出為刺史未至又例貶永州司馬

居閒益自刻苦務記覽為詞章汎濫停蓄為深博無

涯涘而自肆於山水間元和中嘗例召至京師又偕

暗伏代劉禹錫請播州一節

出為刺史而子厚得柳州既至歎曰是豈不足為政

邪因其土俗為設教禁州人順賴其俗以男女質錢

約不時贖子本相伴則沒為奴婢子厚與設方計悉

令贖歸其尤貧力不能者令書其傭足相當則使歸

其質觀察使下其法於它州比一歲免而歸者且千

出脫子厚然不放過

人之生
觀為材
鍾書黃
木之灾
之中奔
人脫羈

人衡湘以南為進士者悉以子厚為師其經承子厚
口講指畫為文詞者悉有法度可觀其召至京師而
如洗發出來
復為刺史也中山劉夢得禹錫亦在遣中當詣播州
子厚泣曰播州非人所居而夢得親在堂吾不忍夢
得之窮無辭以白其大人且萬無母子俱往理請於
朝將拜疏願以柳易播雖重得罪死不恨遇有以夢
得事白上者夢得於是改刺連州嗚呼士窮乃見節
時、子、厚、交、游、中、有、此、事、故、昌、黎、特、感、憤、而、詳、及、之、
義今夫平居里巷相慕悅酒食游戲相徵逐詡詡強
笑語以相取下握手出肝腑相示指天日涕泣誓生
死不相背負真若可信一旦臨小利害僅如毛髮比

反、眼、若、不、相、識、落、陌、筭、不、一、引、手、救、反、擠、之、又、下、石、
焉、者、皆、是、也、此、宜、禽、獸、夷、狄、所、不、忍、爲、而、其、人、自、視、
以、爲、得、計、聞、子、厚、之、風、亦、可、以、少、愧、矣、子、厚、前、時、少、
年、勇、於、爲、人、不、自、貴、重、顧、藉、謂、功、業、可、立、就、故、坐、廢、
退、既、還、又、無、相、知、有、氣、力、得、位、者、誰、挽、故、卒、死、于、窮、
裔、材、不、爲、世、用、道、不、行、於、時、也、使、子、厚、在、臺、省、時、自、
持、其、身、已、能、如、司、馬、刺、史、時、亦、自、不、斥、斥、肯、有、人、力、
能、舉、之、且、必、復、用、不、窮、然、子、厚、斥、不、久、窮、不、極、雖、有、
喜、幸、然、却、爽、然、自、失、
就、斥、窮、二、字、一、轉、極、爲、子、厚、十、
出、於、人、其、文、學、辭、章、必、不、能、自、力、以、致、必、傳、於、後、如、
今、無、疑、也、雖、使、子、厚、得、所、願、爲、將、相、於、一、時、以、彼、易、

又嘗銘
上若曰鼎
也不可以
往車馬也
不可使守
固佩玉長
是不利走
起祇繫其
逢不繫巧
遇及序其
人曰諸公
貴人既志
得皆樂熟
軟謂耳目
者不喜聞
是語大抵
不輕奢人
故足重也

此孰得孰失必有能辨之者子厚以元和十四年十
一月八日卒年四十七以十五年七月十日歸葬萬
年先人墓側子厚有子男二人長曰周六始四歲季
曰周七子厚卒乃生女子二人皆幼其得歸葬也費
附書裴行立盧遵兩人以子厚死南夷中歸葬其費
皆出觀察使河東裴君行立行立有節槩重然諾與
俱兩人從事故不沒之
子厚結交子厚亦爲之盡竟賴其力葬子厚於萬年
之墓者舅弟盧遵遵涿人性謹慎學問不厭自子厚
之斥遵從而家焉逮其死不去旣往葬子厚又將經
紀其家庶幾有始終者銘曰
是惟子厚之室旣固旣安以利其嗣人

潮州祭神文 二首

潮州刺史韓愈謹差攝潮陽縣尉史虛已以特羊屨
羞之奠告于大湖神之靈愈承朝命爲此州長今月
二十五日至治下凡大神降依庇貺斯人者皆愈所
當率徒屬奔走致誠親執事祀於廟庭下今以始至
方上奏天子思慮不能專一冠衣不淨潔與人吏未
相識知牲粢酒食器皿犒幣不能嚴清又未卜日時
不敢薦見使攝潮陽縣尉史虛已以告神其降監尚

饗

潮州刺史韓愈謹以清酌脰修之奠祈于火湖神之
靈曰稻既穟矣而雨不得熟以獲也蠶起且眠矣而
雨不得老以簇也歲且盡矣稻不可以復種而蠶不
可以復育也農夫桑婦將無以應賦稅繼衣食也非
神之不愛人刺史所失職也百姓何辜使至極也神
聰明而端一聽不可濫以惑也刺史不仁可坐以罪
惟彼無辜惠以福也劃剗雲陰卷月日也身幸有衣
口得食給神役也充上之須脫刑辟也選牲爲酒以
報靈德也吹擊管鼓侑香潔也拜庭跪坐如法式也
不信當治疾殃殛也神其尚饗

祭房君文

維年月日愈謹遣舊吏皇甫悅以酒肉之餽展祭于
五官蜀客之柩前嗚呼君乃至於此吾復何言若有
鬼神吾未死無以妻子爲念嗚呼君其能聞吾此言
否尚饗

祭河南張員外文

維年月日彰義軍行軍司馬守太子右庶子兼御史
中丞韓愈謹以庶羞清酌之奠祭于亡友故河南縣
令張十二員外之靈貞元十九君爲御史余以無能
同詔並時君德渾剛標高揭已有不吾如渾猶泥滓

余慙而狂年未三紀乘氣加人亡振自恃彼婉變者
實憚吾曹側肩帖耳有舌如刀我落陽山以尹鼯猱
君飄臨武山林之牢歲幣寒虎雪平山發顛于馬下
我泗君咷夜息南山同臥一席守隸防夫觚頂交跖
洞庭漫汗粘天無壁風濤相厓中作霹靂追程盲進
飄船箭激南上湘水屈氏所沈二妃行迷淚縱染林
山哀浦思鳥獸叫音予唱君和百篇在吟君止于縣
我又南踰把觥相飲後期有亡期宿界上一又相語
自別幾時遽變寒暑枕臂欹眠加予以股僕來告言
虎入廐處亡敢驚逐以我驂去驂卽所乘之驢君云是物不

駿於乘虎取而逞來寅

正月

其徵我預在此與君俱膺

猛獸果信惡禱而憑予出嶺中君竢州下偕掾江陵

非余望者郴山奇變其水清寫泊沙倚石有鄂無捨

衡陽放酒熊咆虎嘯不存令章罰籌蝟毛委舟湘流

逞觀南岳雲壁潭潭穹林攸擢避風太湖七日鹿角

地名

鈞登大鮎怒頰豕狗鬻盤炙酒羣奴餘咏走官堦

下首下虎高下馬伏塗從事是遭予徵博士君以使

已相見京師過願之始分教東生君掾雍首兩都相

望於別何有解手背面遂十一年君出我入如相避

然生濶死休吞不復宣刑官屬郎引章計奪權臣不

愛南昌是幹明條謹獄氓獠戶歌用遷澄浦爲人受
瘥還家東都起令河南屈拜後生憤所不堪以正
免身伸事蹇竟死不昇孰勸爲善丞相南討余辱司
馬議兵大梁走出洛下哭不憑棺莫不親竿不撫其
子○葵○不○送○塋○望○君○傷○懷○有○隕○如○瀉○銘○君○之○績○納○石○壤○
中○爰○及○祖○考○紀○德○事○功○外○著○後○世○鬼○神○與○通○君○其○奚○
憾○不○余○鑒○衷○嗚○呼○哀○哉○

祭鱷魚文

維年月日潮州刺史韓愈使軍事衙推秦濟以羊一
豬一投惡谿之潭水以與鱷魚食而告之曰昔先王

劉鬼神語
有斤兩

正議祭端不可犯

既有天下列山澤罔繩擗刃以除蟲蛇惡物爲民害
者驅而出之四海之外及後王德薄不能遠有則江
漢之間尚皆棄之以與蠻夷楚越況潮嶺海之間去

入手

京師萬里哉鯉魚之涵淹卵育於此亦固其所今天

應前

子嗣唐位神聖慈武四海之外六合之內皆撫而有
之況禹跡所揜揚州之近地刺史縣令之所治出貢

一○篇○袖○領○

賦以供天地宗廟百神之祀之壤者哉鯉魚其不可

前將天子立大議論此下專在

與刺史雜處此土也刺史受天子命守此土治此民

與刺史爭上

而鯉魚睥然不安谿潭據處食民畜熊豕鹿麋以肥

其身以種其子孫與刺史亢拒爭爲長雄刺史雖駑

有處分

弱亦安肯爲鱷魚低首下心。佻佻覼覼爲民吏羞。以偷活於此邪。且承天子命以來爲吏。固其勢不得不與鱷魚辯。鱷魚有知其聽刺史言。潮之州大海在其南。鱷鵬之大蝦蟹之細。無不容歸以生。以食鱷魚。朝發而夕至也。今與鱷魚約。盡三日其率醜類南徙于海。以避天子之命。吏三日不能至五日不能至。七日七日不能至。終不肯徙也。是不有刺史聽從其言也。不然則是鱷魚冥頑不靈。刺史雖有言不聳不聽也。夫傲天子之命吏不聽其言。不徙以避之。與冥頑不靈而爲民物害者。皆可殺。刺史則選材技吏民。

操強弓毒矢以與鱷魚從事必盡殺乃止其無悔

柳州羅池廟銘詞

荔子丹兮蕉黃雜肴蔬兮進侯堂。侯之船兮兩旗度
中流兮風泊之待侯不來兮不知我悲。侯乘駒兮入
廟慰我民兮不頻以笑。鵝之山兮柳之水。桂樹團團
兮白石齒齒。侯朝出游兮莫來歸。春與猿吟兮秋與
鶴飛。北方之人兮爲侯是非。千秋萬歲兮侯無我爲。
福我兮壽我。驅厲鬼兮山之左。下無苦濕兮高無乾。
杭除充羨兮蛇蛟結蟠。我民報事兮無怠其始自今
兮欽于世世。

古文奇賞卷之十八

古吳陳仁錫選評 仁和郎 張重訂

獻平淮夷雅表

唐柳宗元

臣宗元言臣負臯窳伏違尚書牋奏十有四年聖恩
寬宥命守遐壤懷印曳紱有社有人臣宗元誠感誠
荷頓首頓首伏惟睿聖文武皇帝陛下天造神斷克
清大憝金鼓一動萬方畢臣太平之功中興之德推
較千古亡所與讓因伏自忖度有方剛之力不得備
戎○行○致○死○命○况○今○已○無○事○思○報○國○恩○獨○惟○文○章○伏○見
周宣王昔稱中興其道彰大于後罕及然徵於詩大

小雅其選徒出狩則車攻吉日命官分土則崧高韓
奕烝人南征北伐則六月采芑平淮夷則江漢嘗武
鏗銅柄耀盪人耳目故宣王之形容與其輔佐由今
望之若神人然此無它以雅故也臣伏見陛下自卽
位以來平夏州夷劒南取江東定河北今又發自天
衷克翦淮右而大雅不作臣誠不佞然不勝憤踊伏
以朝多文臣不敢盡專數事謹譔平淮夷雅二篇雖
不及尹吉甫召穆公等庶施諸後代有以佐唐之光
明謹昧死再拜以獻臣宗元誠恐誠愚頓首頓首謹

爲裴中丞伐黃賊轉牒

當管奉詔與諸管齊進誅討邕管州賊黃少卿漢軍
馬步等若干人各具兵馬數及軍將若干前牒奉處
分竊以天啟昌期大功畢集神開興運微惡盡除黃
少卿等歷稔逋誅舉宗肆暴恃狡兎之穴。跼伏偷安。
憑孽狐之丘。跳踉見怪。以爲威弧不射天罔可逃侵
逼使臣隳犯王略恣其毒虐速我誅鋤敵國盡在於
舟中還師已期於席上。謂宜投戈頓顙面縛乞身歸
郡邑於王官效黎獻於天吏而乃繕兵補卒增壘閉
途正當天討之辰更積鬼誅之罪衆輕聞蟻勇劣怒

蛙纖縞當強弩之初。孤豚僨肥牛之下。事同拾芥力
易摧枯。杪忽螽腰。虛見辱於齊斧。突梯鼠首。慙飲寄
於旄頭。勦絕有時。不索何獲。某拱稽致命。執銳忘生。
車甲旣備於小戎。鯨鯢豈逃於誅戮。切觀上略。總帥
中權。戰士義激於身心。列較勢成於臂指。歟張之技
盡出於山林。拔距之材。徧徵於川洞。賞懸香餌。令布
疾雷。莫不鼓舞戎行。虔恭師律。投軀不憊於羽檄。鼓
足唯俟於牙璋。今月某日。奏事官米蘭迴奉受詔。命
神飛首勇。足蹈心馳。歡聲治於萬夫。勝氣橫於千里。
國容不入屨。且及於寢門。家事勿關。上已填於左闔。

卽以日月全軍出次分道並進。所期戮力敢告同心。
孔大夫貞直冠豸。清明格物全體許國。一心在公。兵
精食浮爲日固久。容府楊中丞以義烈爲己任。勛襲
太常安南李中丞以英武爲家風。業傳彝器並膺邦
寄。克達皇威。南則浮海濟師。共集堂堂之陣。東則橫
江誓衆。用成善善之功。以此鼓行坐觀。盡敵刑惟勿
喜。誅有可哀。徵側之勇冠一方。竟就伏波之戮。呂嘉
之威行五嶺。終摧下瀨之師。嗟此陋微。自貽擒滅。勉
成良畫。速致殊勛。雖荒徼之地。固不勞於有征而昇
平之年。將自此而何事。書之竹帛。實謂揚名事。須移

寄許京兆孟容書

伏蒙賜書誨諭微悉重厚欣踊恍惚疑若夢寐捧書叩頭悸不自定伏念得罪來五年未嘗有故舊大臣肯以書見及者何則罪謫交積羣疑當道誠可怪而畏也是以兀兀忘行尤負重憂殘骸餘魂百病所集痞結伏積不食自飽或皆寒熱水火互至內消肌骨非獨瘴癘爲也忽奉教命乃知幸爲大君子所宥欲使膏肓沈沒復起爲人夫何素望敢以及此宗元蚤

歲與負辜者親善始奇其能謂可以共立仁義禪教

化過不自料懃懃勉勵唯以中正信義爲志以興堯舜孔子之道利安元元爲務不知愚陋不可力彊其素意如此也未路厄塞艱脆事既壅隔狠忤貴近狂疎繆戾蹈不測之辜羣言沸騰鬼神交怒加以素卑

办箇中情事

賤暴起領事人所不信射利求進者填門排戶百不

弘恕并出

一得一旦快意更造怨讟以此大舉之外詆訶萬端

此並自指

旁午構扇便爲敵讎協心同攻外連彊暴失職者以

致其事此皆丈人所聞見不敢爲它人道說懷不能

此人字恐并自己亦在其中

已復載簡牘此人雖萬被誅戮不足塞責而豈有賞

哉今其黨與幸獲寬貸各得善地無公事坐食俸祿

明德至渥也。尚何敢更俟除棄廢痼以希望外之澤哉。年少氣銳不識幾微。不知當不但欲一心直遂果

陷刑法。皆自所求取得之。又何怪也。宗元於衆黨人

中。舉狀最甚。神理降罰。又不能卽死。猶對人言語求

子厚輪明亦世所難

食。自活迷不知耻。日復一日。然亦有大故。自以得姓

來二千五百年代爲冢嗣。今抱非常之罪。屈夷僚之

鄉里。溼昏霧恐。一旦填委溝壑。曠墜先緒。以是怛然

痛恨。心骨沸熱。煢煢孤立。未有子息。荒陬中少士人

窮蹙

女子。無與爲婚。世亦不肯與罪人親昵。以是嗣續之

重不絕。如縷。每常春秋時享。孑立奉奠。顧眙亡後。繼

者慄慄然歔歔喘惕恐此事便已摧心傷骨若受鋒
刃此誠丈人所共憫惜也先墓在城南無異子弟爲
主獨託村鄰自譴逐來消息存亡不一至鄉閭主守
者固以益怠晝夜哀憤懼便毀傷松柏芻牧不禁以
成大戾近世禮重拜掃今已闕者四年矣每遇寒食
則非向長號以首頓地想田塋道路士女遍滿阜隸
庸丐皆得上父母丘墓馬鑿夏畦之鬼無不受子孫
追養者然此已息望又何以云哉城西有數頃田樹
果數百株多先人手自封植今已荒穢恐便斬伐無
復愛惜家有賜書三千卷尚在善和里舊宅宅今三

易主書存亡不可知皆付受所重常繫心腑然無可
者立身一敗萬事瓦裂身殘家破爲世大僂復何
敢更望大君子撫慰收恤尚置人數中邪是以當食
不知辛鹹節適洗沐盥漱動逾歲時一搔皮膚塵垢
滿爪誠憂恐悲傷亡所告愬以至此也自古賢人才
士秉志遵分被謗議不能自明者僅以百數故有無
子、厚、所、自、痛、切、處、
兄盜嫂娶孤女云撾婦翁者然賴當世豪傑分明辨
別卒光史籍管仲遇盜升爲功臣匡章被不孝之名
孟子禮之今已無古人之實爲而有詬欲望世人之
明已不可得也直不疑買金以償同舍劉寬下車歸

牛鄉人此誠知疑似之不可辨非口舌所能勝也鄭

詹束縛於晉終以無死鍾儀南音卒獲返國叔向囚

虜自期必免范涇騎危以生易死蒯通據鼎耳爲齊

上客張蒼韓信伏斧鑕終取將相鄒陽獄中以書自

活賈生斥逐復召宣室倪寬擯死後至御史大夫董

仲舒劉向下獄當誅爲漢儒宗此皆壞偉博辨奇壯

之士能自解脫今以恇怯澟忍下才未伎又嬰恐慙

痼病雖欲慷慨攘臂自同昔人愈疎闊矣賢者不得

志於今必取貴於後古之著書者皆是也宗元近欲

務此然力薄才劣無異能解雖欲秉筆覩縷神志荒

與楊京非
書文章士
之末也然
立言存乎
其中即求
而操其本
可十七八
又曰凡為
文以神心
為本

耗前後遺忘終不能成章往時讀書自以不至舐滯

今皆頑然無復省錄每讀古人一傳數紙已後則再

三伸卷復觀姓氏旋又廢失假令萬一除刑部囚籍

復為士列亦不堪當世用矣伏惟興哀於無用之地

垂德於不報之所但以通家宗祀為念有可動心者

操之勿失不敢望歸掃塋域退託先人之廬以盡餘

齒姑遂少非益輕瘴癘就婚娶求胤嗣有可付托即

冥然長辭如得甘寢無復恨矣書辭繁委無以自道

然即文以求其志君子固得其肺肝焉

雖如宗元所云博如莊周哀如屈原與如孟軻壯

如李斯峻如馬遷富如相如明如賈誼專如楊雄
可也然而不屑

與韓愈論史官書

文如貫珠

致韓公既
太尉逆事

書史遷死

退之復以

史道在職

自不苟過

時日愈

嘗許其文

曰雄深雅

健似司馬

子長崔蔡

不足多也

正月二十一日元頓首十八丈退之侍者前獲書言
史事云具與劉秀才書及今乃見夢私心甚不喜與
退之往年言史事甚大謬若書中言退之不宜一日
在館中安有探宰相意以為苟聯以史榮一韓退之邪
若果爾退之豈宜虛受宰相榮已而月居館下近密
地食奉養役使掌故利紙筆為私書取以供子弟費
古之志於道者不宜若是且退之以為紀錄者有刑

禍避不肖就尤非也史以名爲褒貶猶且恐思不敢
爲設使退之爲御史中丞大夫其褒貶成敗人愈益
顯其宜恐思尤大也則又將揚揚入臺府美食安坐
行呼唱於朝廷而已邪在御史猶爾設使退之爲宰
相生殺出入升黜天下士其敲益衆則又將揚揚入
政事堂美食安坐行呼唱於內庭外衢而已耶何以
異不爲史而榮其號利其祿者也又言顯不有人禍則
有天刑若以罪夫前古之爲史者然亦甚惑凡居其
位思直其道道苟直雖死不可回也如回之莫若亟
去其位孔子之困于魯衛陳宋蔡齊楚者其時時

矣不能以也其不遇而死不以作春秋故也當其時
雖不作春秋孔子猶不遇而死也若周公史佚雖紀
言書事猶遇且顯也又不得以春秋爲孔子累范曄
悖亂雖不爲史其族亦赤司馬遷觸天子喜怒班固
不檢下崔浩沽其直以鬪暴虜皆非中道左丘明以
疾盲出于不幸子夏不爲史亦盲不可以是爲戒其
餘皆不出此是退之宜守中道不忘其直無以它事
自恐退之之恐唯在不直不得中道刑禍非所恐也
凡言二百年文武事多有誠如此者今退之曰我一
人也何能明則同職者又所云若是後來繼今者又

所云若是人人皆曰我一人則卒誰能紀傳之邪如
退之但以所聞知孜孜不敢怠同職者後來繼今者
亦各以所聞知孜孜不敢怠則庶幾不墜使卒有明

韓書曰傳聞不同善惡頗隨人所見晦

也不然徒信人口語每每異辭日以滋久則所云磊
磊軒天地者決必不沉沒且亂雜亡可考非有志者
所忍恣也果有志豈當待人督責迫感然後爲官守

韓書曰若有鬼神將不福人

邪又凡鬼神事眇茫荒惑無可準明者所不道退之
之智而猶愚於此今學如退之辭如退之好言論如
退之慷慨自爲正直行行焉如退之猶所云若是則
唐之史述其卒無可託乎明天子賢宰相得史才如

此而又不果甚可痛哉退之宜更思可爲速爲果幸

應首

以爲恐愚不敢則一日可引去又何以云行且謀也
今當爲而不爲又誘館中它人及後生者此大惑也
不勉已而欲勉人難矣哉

賀進士王參元失火書

道州毀鼻
亭神記云
荀離于正
雖千載之
違吾得而
更之況今
茲乎苟有
不美雖異
代之鬼吾
得而攘之

得楊八書知足下遇火災家無餘儲僕始聞而駭中
而疑終乃大喜蓋將弔而更以賀也道遠言略猶未
能究知其狀若果蕩焉泯焉而悉亡有乃吾所以尤
賀者也足下勤奉養樂朝夕惟恬安亡事是望也今
乃有楚陽赫烈之虞以震駭左右而脂膏滫醢之具

見斯人手
與實失火
一般辣手

或以不給吾是以始而駭也凡人之言皆曰盈虛倚
伏去來之不可常或將大有爲也乃始厄困震悸於
是有水火之孽有羣小之愠勞苦變動而後能光明
古之人皆然斯道遼闊誕漫雖聖人不能以是必信
是故中而疑也以足下讀古人書爲文章善小學其
爲多能若是而進不能出群士之上以取顯貴者蓋
亡它焉京城人多言足下家有積貨士之奸廉名者
皆畏忌不敢道足下之善獨自得之心畜之御忍而
不出諸口以公道之難明而世之多嫌也一出口則
嗤嗤者以爲得重賂僕自貞元十五年見足下之文

章畜之者蓋六七年未嘗言是僕私一身而負公道
人矣非特負足下也及爲御史尚書郎自以幸爲天
子近臣得奮其舌思以發明足下之鬱塞然昔稱道
於行列猶有顧視而竊笑者僕良恨修己之不亮素
譽之不立而爲世嫌之所加常與孟幾道言而痛之
乃今幸爲天火之所盪滌凡衆之疑慮舉爲灰埃黔
猶足蒸出芝菌以爲瑞物
其廬楮其垣以示其亡有而足下之才能乃可以顯
白而不汚其實出矣是祝融回祿之相吾子也則僕
與幾道十年之相知不若茲火一夕之爲足下譽也
宥而彰之使夫畜於心者咸得開其喙發策決科者

授子而不慄。雖欲如嚮之蓄縮。受侮其可得乎。於茲
吾猶望於子。是以終乃大喜也。古者列國有災。同位
者皆相弔。許不弔災。君子惡之。今吾之所陳。若是有
以異乎古。故將弔而更以賀也。顏曾之養其爲樂也
大矣。又何闕焉。足下前要僕文章古書。極不忘候得
數十幅。乃併往耳。吳二十一武陵來言。足下爲醉賦
及對問。大善可寄一本。僕近亦好作文。與在京城時
頗異。思與足下輩言之。桎梏甚固。未可得也。因人南
來。致書訪死生不悉。

本色引証

自李睦州
張氣書云
宋人有得
其遺契者
谷數其齒
曰吾富可
待矣兄之
術或者其
類是與亦
愚之一也

濯水之陽有溪焉東流入于瀟水或曰冉氏嘗居也
故姓是溪曰冉溪或曰可以染也名之以其能故謂
之染溪予以愚觸罪謫瀟水上愛是溪入二三里得
其尤絕者家焉古有愚公谷今予家是溪而名莫能
定土之居者猶斷斷然不可以不更也故更之爲愚
溪愚溪之上買小丘爲愚丘自愚丘東北行六十步
得泉焉又買居之爲愚泉愚泉凡六穴皆出山下平
地蓋上出也合流屈曲而南爲愚溝遂負土累石塞
其隘爲愚池愚池之東爲愚堂其南爲愚亭池之中
爲愚島嘉木異石錯置皆山水之奇者以予故咸以

愚辱焉。夫水智者樂也。今是溪獨見辱於愚。何哉？蓋其流甚下，不可以灌溉；又峻急，多坻石，大舟不可入也。幽邃淺狹，蛟龍不屑，不能興雲雨，亡以利世，而適類于予。然則雖辱而愚之可也。甯武子邦無道則愚，智而爲愚者也；顏子終日不違如愚，睿而爲愚者也；皆不得爲真愚。今予遭有道而違於理，悖於事故，凡爲愚者莫我若也。夫然則天下莫能爭是溪。予得事而名焉溪，雖莫利於世，而善鑒萬類，清瑩秀徹，鏘鳴金石，能使愚者喜笑眷慕，樂而不能去也。予雖不合於俗，亦頗以文墨自慰，漱滌萬年牢籠，百態而無所

老韓駭汗
以縮手
期是喪氣
而噤辰

避之以愚辭歌愚溪則茫然而不違昏然而同歸超
鴻蒙混希夷宋寥而莫我知也於是作八愚詩記丁
溪石上

送獨孤申叔侍親往河東序

河東古吾土也家世遷徙莫能就緒聞其間有大河
條山氣蓋關左文士往往仿佯臨望坐得勝槩焉吾
固翹翹褰裳奮懷舊都日以滋甚獨孤生周人也往
而先我且又愛慕文雅甚達經要才與身長志益強
力挾是而東夫豈徒徂乎溫清奉引之隙必有美製
倘飛以示我我將易觀而待所不敢忽古之序者期

覽古文帝
之士必高
自命而爲
齷齪人所
黑白

以申導志義。不爲富厚。而今也。反是。生至于晉。出吾
斯文於筆硯之伍。其有評我。太簡者。慎勿以知文許
之。

送崔子符罷舉詩序

世有病進士科者。思易以孝悌經術兵農。曰庶幾厚
於俗。而國得以爲理乎。柳子曰。否。以今世尙進士。故
凡天下家推其良公卿大夫之名子弟。國之秀民。舉
歸之。且而更其科。以爲得異人乎。無也。惟其所尙。又
舉移而從之。尙之以孝弟。孝弟猶是人也。尙之以經
術。經術猶人是也。雖兵與農。皆然。曰然則宜如之何。

曰卽其辭觀其行。考其智以爲可化人及物者。隆之。
文勝質行。無觀智無考者。下之。俗其以厚。國其以理。
科不俟易也。今有博陵崔策子符者。少讀經書爲文。
辭本於孝悌理道。多容以善別。時剛以知柔。進於有。
司。六選而不獲。家有冤連。伏闕下者累月。不解任將。
晚矣。而戚其幼孤。徃復不憚。萬里再歲。不就選。世皆。
曰仁悌人也。如是。且不見隆。雖百易科。其可厚而理。
乎。今夫天下已理。民風已厚。欲繼之於無窮。其在慎。
是而已。朝廷未命有司。旣命而果得有道者。則是術。
也。宜用崔子之仕。又何晚乎。僕智不足。而獨爲文。故。

駭句天落

始見進而卒以廢居艸埜八年麗澤之益鏃礪之事
空於耳而荒於心崔子幸來而親予讀其書聽其言
發予始志若寤而言夢醒而問醉未及悉而告予以
行予思其悼時之往而不得於內也獻之酒賦之詩
而歌之坐者從而和之既和而敘之

潭州東池戴氏堂記

沈晦字柳
弘農公刺潭三年因東泉爲池環之九里丘陵林麓
距其涯互島洲渚交其中其岸之突而出者水縈之
若玦焉池之勝于是爲最公曰是非離世樂道者不
宜有此卒授賓客之選者譙國戴氏曰簡爲堂而居

沈晦字柳
弘農公刺潭三年因東泉爲池環之九里丘陵林麓
距其涯互島洲渚交其中其岸之突而出者水縈之
若玦焉池之勝于是爲最公曰是非離世樂道者不
宜有此卒授賓客之選者譙國戴氏曰簡爲堂而居

之堂成而勝益奇望之若連臚縻艦與波上下就之
顛倒萬物遼廓眇忽樹之松柏杉櫟被之菱芡芙蓉
鬱然而陰粲然而榮凡觀望浮游之美專於戴氏矣
戴氏嘗以文行累爲連率所賓禮貢之澤宮而志不
願仕與人交取其退讓受諸侯之寵不以自大其離
世歟好孔氏書旁具莊文莫不總統以至虛爲極得
受益之道其樂道歟賢者之舉也必以類當弘農公
之選而專茲地之勝豈易而得哉地雖勝得人焉而
居之則山若增而高水若闢而廣堂不待飾而已矣
矣戴氏以泉池爲宅居以雲物爲朋徒攄幽發粹日

與之娛則行宜益高文宜益峻道宜益懋交相贊者也。既碩其內又揚于時吾思其離世之志不果矣。君子謂弘農公刺潭得其政爲東池得其勝授之得其人豈非動而時中者歟。於戴氏堂也見公之德不可以不記。

始得西山宴遊記

公云楚越
間亦有時
異鳴音
譯今聽之
怡然不怪
已與爲類
矣則山川
之所陶瀉
也

自予爲僇人居是州恒惴惴其隙也則施施而行漫漫而遊日與其徒上高山入深林窮迴溪幽泉怪石亡遠不到到則披艸而坐傾壺而醉醉則更相枕以臥意有所極夢亦同趣覺而起起而歸以爲凡是州

之山有異態者皆我有也而未始知西山之怪特今

此句正見始得與末一句相應

相應

年九月二十八日因坐法華西亭望西山始指異之
遂命僕過湘江緣染溪斫榛莽焚茅茷窮山之高而
止扳援而登箕踞而遨則凡數州之土壤皆在衽席
之下其高下之勢岬然洼然若垤若穴尺寸千里攢
蹙累積莫得遯隱_禁青繚白外與天際四望如一然
後知是山之特出不與培塿爲類悠悠乎與灝氣俱
而莫得其涯洋洋乎與造物者游而不知其所窮引
觴滿酌頽然就醉不知日之入蒼然暮色自遠而至
至亡所見而猶不欲歸心凝形釋與萬化冥合然後

晉問六群
源稿題
食野指溪
川感浪噴
震播酒漬
潰焉若海
神駕雪而
來下觀其
四散愔愔
歸舍萬狀
尊者人搏
決然至躍
一里相角
風驟霧鬣
渺山扶登

知吾嚮之未始游游於是乎始故爲之文以志

游黃溪記

起奇

北之晉西適幽東極吳南至楚越之交其間名山水而州者以百數未最善環水之治百里北至于浯溪西至于湖之源南至于瀧泉東至于黃溪東屯其間名山水而村者以百數黃溪最善黃溪距州治七十里由東屯南行六百步至黃神祠祠之上兩山墻立如丹碧之華葉駢植與山升降其缺者爲崖峭岩窟水之中皆小石平布黃神之上揭水八十步至初潭最奇麗殆不可狀其略若剖大甕側立千尺溪水

焉黛蓄膏渟來若白虹沉沉無聲有魚數百尾方來
會石下南去又行百步至第二潭石皆巍然臨峻流
若頽頽斷齧其下大石離列可坐飲石有鳥赤首鳥
翼大如鵠方東嚮立自是又南數里地皆一狀對益
壯石益瘦水鳴皆鏘然又南一里至大冥之川山舒
水緩有土田始黃神爲人時居其地傳者曰黃神王
姓莽之世也莽旣死神更號黃氏逃來擇其深峭者
潛焉始莽嘗曰予黃虞之後也故號其女曰黃皇室
主黃與王聲相邇而又有本其所以傳言者益驗神
旣居是民咸安焉以爲有道死乃俎豆之爲立祠後

以上次山水以下始及黃神始末

稍徙近乎民今祠在山陰溪水上元和八年五月十六日旣歸爲記以啟後之如游者

鈷鋤潭西小丘記

得西山後八日尋山口西北道二百步又得鈷鋤潭西二十五步當湍而浚者爲魚梁梁之上有丘焉生竹樹其石之突怒偃蹇負土而出爭爲奇狀者殆不可數其嶽然相累而下者若牛馬之飲于溪其衝然角列而上者若熊羆之登于山丘之小不能一畝可以籠而有之問其主曰唐氏之棄地貨而不售問其賈曰止四百予憐而售之李深淵元克已時同遊皆

人喜出自意外卽更取器用剗刈穢艸伐去惡木烈
火而焚之嘉木立美竹露奇石顯由其中以望則山
之高雲之浮溪之流鳥獸魚之遨遊舉熙熙然廻巧
獻伎以效茲丘之下枕席而臥則清冷之狀與目謀
潏潏之聲與耳謀悠然而虛者與神謀淵然而靜者
與心謀不匝旬而得異地者二雖古好事之士或未
能至焉噫以茲丘之勝致之澧鎬鄠社則貴游之士
爭買者日增千金而愈不可得今棄是州也農夫漁
夫過而陋之賈四百連歲不能售而我與深淵克已
獨喜得之是其果有遭乎書于石所以賀茲丘之遭

也

至小丘西小石潭記

從小丘西行百二十步隔篁竹聞水聲如鳴環珮心

樂之伐竹取道下見小潭水尤清冽泉石以爲底近

岸卷石底以出爲垣爲嶼爲堪爲岩青樹翠蔓蒙絡

溪澗日佳處

推綴參差披拂潭中魚可百許頭皆若空游無所依

日光下澈影布石上怡然不動俶爾遠逝來翕忽

似與遊者相樂潭西南而望斗折蛇行明滅可見其

岸勢犬牙差互不可知其源坐潭上四面竹樹環合

寂寥無人淒神寒骨悄愴幽邃以其境過清不可久

居乃記之而去同遊者吳武陵龔古予弟宗玄綵而從者崔氏二小生曰恕已曰奉壹

袁家渴記

由冉溪西南水行十里山水之可取者五莫若鉅罅潭由溪口而西陸行可取者八九莫若西山由朝陽岩東南水行至蕪江可取者三莫若袁家渴皆永中幽麗奇處也楚越之間方言謂水之反流者爲渴音若衣渴之渴渴上與南館高嶂合下與百家瀨合其中重洲小溪澄潭淺渚間側曲折平者深黑峻者沸白舟行若窮忽又無際有小山出水中山皆美石石

此段似子虛賦

予嘗有云
以情死莫
如命

上生青叢冬夏常蔚然其傍多崑洞其下多白礫其
樹多楓楠石楠榎樟柚艸則蘭芷又有異卉類合
歡而蔓生輻輳水石每風自四山而下振動大木掩
苒衆草紛紅駭綠蒼蒨香氣衝濤旋瀨退貯谿谷搖
風歲幾與時推移其大都如此予無以窮其狀未之
人未嘗遊焉予得之不敢專也出而傳于世其地世
主袁氏故以名焉

視之既靜
其聽始遠

小石城山記

自西山道口徑北踰黃茅嶺而下有二道其一西出
尋之無所得其一少北而東不過四十丈上斷而川

分有積石橫當其垠其上爲睥睨梁欂之形其旁出
堡塢有若門焉窺之正黑投以小石洞然有水聲其
嚮之激越良久乃已環之可上望甚遠無土壤而生
嘉封美箭益奇而堅其疏數偃仰類智者所施設也
噫吾疑造物者之有無久矣及是愈以爲誠有又怪
其不爲之於中州而列是夷狄更千百年不得一售
其伎是故勞而無用神者倘不宜如是則其果無乎
或者以慰夫賢而辱於此者或曰其氣之靈不爲偉
人而獨爲是物故楚之南少人而多石是二者予未
信之

不了語讀
之有遺音

詭設 有 無 以 相 勝

暗、影、白、家、

永州萬石亭記

御史中丞清河男崔公來莅永州間日登城非墉臨
于荒塋藁翳之隙見怪石特出度其下必有殊勝步
自西門以求其墟伐竹披輿歛以入綿谷跨溪皆
大石林立渙若奔雲錯若置碁怒者虎鬬企者鳥厲
抉其穴則鼻口相呀搜其根則蹄股交峙環行卒愕
疑若搏噬于是劒闢朽壤剪焚榛葳決澮溝導伏流
散爲疎林洄爲清池寥廓泓渟若造物者始判清濁
効竒於茲地非人力也乃立游亭以宅厥中直亭之
西石若掖分可以眺望其上青壁斗絕沉于淵源莫

究其極自下而望則合乎攢巒與山無窮明日州邑
耄老雜然而至曰吾儕生是州孰是野眉龍齒鯢木
嘗知此豈天墜地出設茲神物以彰我公之德歟既
賀而請名公曰是石之數不可知也以其多而命之
曰萬石亭耄老又言曰懿夫公之名亭也豈專狀物
而已哉公嘗六爲二千石旣盈其數然而有道之士
咸恨推公之嘉績未洽於人敢頌休聲祝公子明神
漢之三○公○秩○號○萬○石○我○公○之○德○宜○受○茲○錫○漢○有○禮○臣○
惟萬石君我公之化始于閨門道合于古祐之自夫
埜夫獻辭公壽萬年宗元嘗以牋奏錄尚書敢專筆

削以附零陵故事時元和十年正月五日記

說車贈楊誨之

第二說云

後來之馳

于是道者

吾子且為

蒲稍驥駛

何可當也

楊誨之將行柳子起而送之門有車過焉指焉而告
之曰若知是之所以任重而行於世乎材良而器攻
圓其外而方其中然也材而不良則速壞工之為功
也不攻則速敗中不方則不能以載外不圓則窒拒
而滯方之所謂者箱也圓之所謂者輪也匪箱不居
匪輪不塗吾子其務法焉者乎曰然曰是一車之說
也非衆車之說也吾將告子乎衆車之說澤而杼山
而侔上而輕下而軒且曳祥而曠左革而長轂以戟

巢焉而以望安以愛老輜以蔽內垂綏而以收戢十
二旒而以廟以郊以陳于庭其類衆也然而其要存
乎材良而器攻圓其外而方其中也是故任而安之
者箱達而行之者輪恒中者軸揭而固者蚤長而撓
進不罪乎馬退不罪乎人者轅却暑與雨者蓋敬而
可伏者軾服而制者馬若牛然後衆車之用其今楊
氏仁義之材也其產材良誨之學古道爲古辭冲然
而有光其爲工也攻果能恢其量若箱周而通之若
輪守大中以動乎外而不變乎內若軸攝之以剛健
若蚤引焉而且御乎而若轅高以遠乎汚若蓋下以

成乎禮若執險而安易而利動而法則庶乎車之全也。詩之言曰駟牡駢駢六轡如琴孔氏語曰左爲六官右爲執法此其以達於大政也凡人之質不良莫能方且恒質良矣用不周莫能以圓遂孔子於鄉黨恂恂如也遇陽虎必曰諾而其在夾谷也視叱齊侯類蓄狗不震乎其內後之學孔子者不志於是則吾無望焉耳矣誨之吾戚也長而益良方其中矣吾固欲其任重而行於世懼圓其外者未至故說車以贈。

斬曲几文

后皇植物所貴乎直聖主取焉以建家國亘爲棟楹

此何爲
故曰抱拙
終身以死
託揚○東
平呂君誅
道不勝禍
天固余欺
○僧王孫
文振王孫
居異山德
異姑不能
相容求其
氏之鼠彼
以其飽食
無裨爲可
恒也哉並
斬曲凡之
旨

齊爲閭閻外隅平端中室謹飾度焉以几維量之則
君子憑之以輔其德末代淫巧不師古式斷茲採木
以限肘腋欹形詭狀曲程詐力制類奇邪用絕繩墨
勾身陋狹危足僻側支不得舒脇不遑息余胡斯畜
以亂人極追咎厥始惟物之殘稟氣失中遭生不完
託地堯堙反時燠寒鬱悶結澀癰蹇艱難不可以遂
遂虧其端離奇詰屈縮慙噴吮含蜴孕蠹外邪中乾
或、因、先、容、以、售、其、蟠、病、夫、甘、焉、制、器、以、安、彼、風、毒、敗
形陰沴遷魄禍氣侵骨淫神化脉體乏筋倦榮乖衛
逆乃喜茲物以爲已適噐之不祥莫是爲敵烏可昵

近○以○招○禍○癖○且○人○道○甚○惡○惟○曲○爲○先○在○心○爲○賊○在○口○
爲○愆○在○肩○爲○僂○在○膝○爲○攀○威○施○踣○踣○匍○拘○拳○古○皆○
斥○遠○莫○致○於○前○問○誰○其○類○惡○木○盜○泉○朝○歌○迴○車○簡○牘○
載○焉○昭○王○市○骨○樂○毅○歸○燕○今○我○斬○此○以○希○古○賢○諛○諛○
宜○惕○正○直○宜○宣○道○焉○是○達○法○焉○是○專○咨○爾○君○子○曷○不○
乾○乾○旣○和○且○平○獲○祐○于○天○去○惡○在○微○慎○保○其○傳○

招海賈文

浴○海○賈○兮○君○胡○以○利○易○生○而○卒○離○其○形○大○海○盪○泊○兮○
顛○倒○日○月○龍○魚○傾○側○兮○神○怪○隳○突○滄○茫○無○形○兮○逞○來○
遽○卒○陰○陽○開○闔○兮○氛○霧○滃○渤○君○不○返○兮○逝○悅○惚○舟○航○

寫出鬼狀

畫出清聲

軒昂兮下上飄鼓騰趨嘒嘒兮萬里一視舉入泓劫
今視天若畎奔螭出抃兮翔鵬振舞天吳九首兮更
笑迭怒垂涎閃舌兮揮霍旁牛君不返兮終爲虜黑
齒棧齧鱗文肌三角駢列兮耳離披反斷义牙踔嶠
崖蛇首猋鬣虎豹皮羣沒互出謹熬嬉臭腥百里霧
雨瀾君不返兮以充飢弱水蓄縮其下不極投之必
沉負羽無力鯨鯢疑畏淫淫嶷嶷君不返兮卒自賊
怪石森立涵重淵高下迺置滔危顛崩濤搜疏刻戈
鋌君不返兮若沉顛其外大泊浮滄淪終古廻薄旋
天垠八方易位更錯陳君不返兮亂星辰東極傾海

流不屬泯泯超忽紛盪沃殆而一跌兮沸入湯谷舳
舳霏解梢若木君不返兮蒐焉薄海若嗇貨號風雷
巨鼇領首丘山頽猖狂震蕩翻九垓君不返兮糜以
摧容海賈兮君胡樂出幽險而疾平夷恟駭愁苦而
以忘其歸上黨易塋恬以舒蹈蹂厚土堅亡虞岐路
豚布彌九區出亡入有百貨俱周游傲睨神自如撞
鐘擊鮮恣歡娛君不返兮欲誰須膠鬲得聖捐鹽魚
范子去相安陶朱呂氏行賈南面孤弘羊心計登謀
謨煮鹽大冶九卿呈祿秩山委收國租賢智走諾爭
下車逍遙縱傲世所趨君不返兮謚爲愚容海賈兮

賈尚不可爲而又海是圖死爲險魄兮生爲貪夫亦
獨何樂哉歸來兮寧君軀

羆說

鹿畏羆羆畏虎虎畏羆羆之狀被髮人立絕有力而
甚害人焉楚之南有獵者能吹竹爲百獸之音昔云
持弓矢翬火而卽之山爲鹿鳴以感其類伺其至發
火而射之羆聳其鹿也趨而至其人恐因爲虎而駭
之羆走而虎至愈恐則又爲羆虎亦亡去羆聳而求
其類至則人也捽搏挽裂而食之今夫不善內而恃
外者未有不爲羆之食也

便覺莊辛
臣論爲

舉世誰將
二事作商
重要之有
師不患無

師友箴
并序

今之世爲人師者衆笑之舉世不師。故道益離。爲人
友者不以道而以利舉世無友。故道益棄。嗚呼生於
是病矣。歌以爲箴。旣以儆已。又以誡人。

不師如之何。吾何以成。不友如之何。吾何以增。吾欲
從師。可從者誰。借有可從。舉世笑之。吾欲取友。誰可
取者。借有可取。中道或捨。仲尼不生。牙也久死。二人
可作。思吾不似中焉。可師。耻焉可友。謹是二物。用惕
爾。後道苟在焉。傭丐爲偶。道之反是。公侯以走。內考
諸古。外考諸物。師乎友乎。敬爾無怠。

明末清傳
捐而聖言
之

吏商

吏而商也。汚吏之爲商。不若廉吏之商。其爲利也博。汚吏以貨商。資同惡。與之爲曹。大率多減耗役傭工。費舟車射時有得失。取貨有苦良。盜賊水火殺斂。溺之爲患。幸而得利。不能什一二。身敗祿奪。大者死。次貶廢。小者惡終不逐。汚吏惡能商矣哉。廉吏以行商。不役傭工。不費舟車。無資同惡。減耗時無得失。貨無良苦。盜賊不得殺斂。水火不得焚溺。利愈多名愈尊。身富而家強。子孫葆光是故。廉吏之商博也。苟修嚴潔白以理政。由小吏得爲縣。由小縣得大縣。由大

古文奇賞

樊

吏商

注

柳宗元

縣得刺小州其利月益各倍其行不改又由小州得
大州其利月益三之一其行又不改又由大州得廉
一道其利月益之三倍不勝富矣苟其行又不改則
其爲得也夫可量哉雖赭山以爲章涸海以爲鹽未
有利大能若是者然而舉世爭爲之商以故貶吏相
逐於道百不能一遂人之知謀好適富而近禍如此
悲夫或曰君子謀道不謀富子見孟子之對宋桎平
何以利教爲也柳子曰君子有二道誠而明者不可
教以利明而誠者利進而害退焉吾爲是言爲利而
爲之者設也或安而行之或利而行之及其成功一

以救世也
量而後言

楊評事集
序雖其言
鄙野足以
傳于用勝
而調其文
采固不足
以疎動其
聽夸示後
學立言而
朽君子不
由也

也。吾。哀。夫。沒。於。利。者。以。亂。人。而。自。敗。也。姑。設。是。庶。由。
利。之。小。大。登。進。其。志。幸。而。不。撓。乎。下。以。成。其。政。交。得。
其。大。利。吾。言。不。得。已。爾。何。暇。從。容。若。孟。子。乎。孟。子。好。
道。而。無。情。其。功。緩。以。疏。未。若。孔。子。之。急。民。也。

起廢答

柳先生既會州刺史即治事還遊于愚溪之上溪上
聚。鷺。老。壯。齒。十。有。一。人。謾。足。以。進。列。植。以。慶。卒。事。相。
顧。加。進。而。言。曰。今。茲。是。州。起。廢。者。二。馬。先。生。其。聞。而。
知。之。歟。答。曰。誰。也。曰。東。祠。麓。浮。圖。中。廐。病。顙。之。駒。曰。
若。是。何。哉。曰。凡。為。浮。圖。道。者。都。邑。之。會。必。有。師。師。善。

的是起廢
光景

爲律以勅戒始學者與女釋者甚尊嚴且優游躋浮
圖有師道少而病躋且愈以劇居東祠十年扶服輦
曳未嘗及人玄匿愧恐殊甚今年它有師道者悉以
故去始學者與女釋者偃偃亡所師遂相與出躋浮
圖以爲師盟濯之扶持之壯者執輦幼者前驅被以
其衣導以其旗怵惕疾視引且翼之躋浮圖不得已
凡師數百生日饋飲食時獻巾帨洋洋也舉莫敢踰
其制中廢病額之駒額之病亦且十年色玄不厖無
異技硃然大耳然以其病不得齒它馬食斥棄異阜
恒少食并立擯辱掣頓異甚垂首披耳縣涎屬地凡

此馬起廢
之狀更如
想高官爵
耶

廐之馬亡肯爲伍會今刺史以御史中丞來蒞吾邦
屏棄羣駟舟以沂江將至亡以爲乘廐人咸曰病類
駒大而不老可秣飾焉宅馬巴熨痺狹亡可當吾刺
史者于是衆牽駒上燥土大廐下薦之席縻之絲浴
剔蚤鬻刮惡除洩莖以雕胡秣以香其錯貝鱗鑲鑿
金文羈絡以和鈴纓以朱綏或膏其鬣或剗其隤御
夫盡飾然後敢持除道復石立之水涯幢旗前羅杠
蓋後隨千夫翼衛當道上馳拒首出臆衆奮遨嬉當
是時若有知也豈不曰宜乎先生曰是則然矣叟將
何以教我黉老進曰今先生來吾州亦十年足軼疾

風鼻知臙香腹溢儒書口盈憲章包今統古進退齊
良然而一廢不復曾不若蹙足涎額之猶有遭也朽
人不識敢以其惑願質之先生先生笑且答曰叟過
矣彼之病病乎足與額也吾之病病乎德也又彼之
遭遭其無耳今朝廷泊四方豪傑林立謀猷川行羣
談角智列坐爭英披華發輝揮喝雷霆老者育德少
者馳聲壯角羈貫排廁鱗征一位暫缺百事交并駢
倚縣足曾不得逞不若是州之乏釋師大馬也而吾
以德病伏焉豈蹙足涎額之可望哉叟之言過昭昭
矣亡重吾臯于是黨老壯齒相視以喜且吁曰諭之

故作寓語轉遂妙

矣拱揖而旋爲先生病焉

六逆論

用翻案法
而筆琅琅
然古

春秋左氏言衛州吁之事因載六逆之說曰賤妨貴
少凌長遠間親新聞舊小加大淫破義六者亂之本
也予謂少凌長小加大淫破義是二者固誠爲亂矣
然其所謂賤妨貴遠間親新聞舊者雖爲理之本可
也何必曰亂天所謂賤妨貴者蓋斥言擇嗣之道子
以母貴者也若貴而愚賤而聖且賢以是妨之其爲
理本大矣而可捨之以從斯言乎此其不可固也夫
所謂遠間親新聞舊者蓋言任用者之道也吏親而

舊者愚遠而新者聖且賢以是而間之其爲理本亦大矣又可捨之以從斯言乎必從斯言而亂天下謂之師古訓可乎此又不可者也嗚呼是王者擇君置臣之道天下理亂之大本也爲書者執斯言者一定之論以遺後代上智之人固不惑于是矣自中人以降守是以爲大據而致敗亂者固不乏焉晉厲死而悼公入乃理宋襄嗣而子魚退乃亂貴不疑尚也秦用張祿而黜穰侯乃安魏相成璜而疎吳起乃危親不足與也苻氏進王猛而殺樊世乃興胡亥任趙高而族李斯乃亡舊不足倚也顧所信何如耳然則斯

言殆可以廢矣。噫！古之言理者，罕能盡其說，建一言立一辭，則颯然而不安，謂之是可也，謂之非亦可也，混然而已。教於後世，莫知其所以去就明者，慨然將定其是非，則拘儒瞽生相與羣而咻之，以爲狂爲怪，而欲世之多有知者可乎？夫中人可以及化者，天下爲不少矣。然而罕有知聖人之道，則固爲書者之罪也。

駁復讐議

臣伏見天后時有同州下邳人徐君先者，父爲縣吏，趙師韞所殺，卒能手刃父讐，束身歸罪。當時諫臣陳

子昂建議誅之而旌其閭且請編之於令永爲國典
臣竊獨過之臣聞禮之大本蓋以防亂若曰無爲賊
虐凡爲子者殺無赦刑之大本亦防亂也若曰無爲
賊虐凡爲理者殺無赦其本則合其用則異旌與誅
莫得而並焉誅其可旌茲謂濫黷刑甚矣旌其可誅
茲謂僭壞禮甚矣果以是示于天下傳于後代趨義
者不知所以嚮違害者不知所以立以是爲典可乎
蓋聖人之制窮理以定賞罰本情以正褒貶統於二
而已矣嚮使刺讞其誠僞考正其曲直原始而求其
端則形體之用判然離矣何者若君先之父不陷于

公皐。師韞之誅。獨以其私怨。奮其吏氣。虐于非辜。州牧不知皐。刑官不知問。上下蒙冒。額號不聞。而能以戴天爲大耻。枕戈爲得禮。處心積慮。以衝讐人之胸。介然自克。死而無憾。是守禮而行義也。執事者宜有慙色。將謝之不暇。而又何誅焉。其或君先之父。不免於罪。師韞之誅。不愆於法。是非死于吏也。是死於法。其可讐乎。讐天子之法。而戕奉法之吏。是悖驚凌土也。執而誅之。所以正邦典。而又何旌焉。且其議曰。人必有子。子必有親。親親相讐。其亂誰救。是惑於禮也。甚矣禮之所謂讐者。蓋以冤抑沉痛而號無告也。非

謂觸法陷于大戮而曰彼殺之我乃殺之不議曲直
暴寡脇弱而已其非經背聖不亦甚哉周禮調人掌
司萬人之讐凡殺人而義者令勿讐讐之則死有反
救者邦國交讐之又安得親親相讐也春秋公羊傳
曰父不受誅子復讐可也父受誅子復讐此推刃之
道復讐不除害若取此以斷兩下相殺則合於禮矣
且夫不忘讐孝也不愛死義也君先能不越於禮服
孝死義也是必達禮而聞道者也夫達禮聞道之人
豈其以王法敵讎者哉而議者反以爲戮黷刑壞禮
其不可爲典明矣請下臣議附于法令如有斷斯獄

者不宜以前議從事謹獻

蝨蠅傳

蝨蠅者善負小蟲也。行遇物輒持取。叩其首負之。背

愈重。雖困劇不止也。其背甚澀。物積因不散。卒躓仆

不能起。人或憐之。為去其負。苟能行。又持取如故。又

好上高。極其力不已。至墜地死。今世之嗜取者。遇貨

不避以厚。其室不知為已累也。唯恐其不積。及其怠

而躓也。黜棄之。遷徙之。亦以病矣。苟能起。又不艾日

思高其位。大其祿。而貪取滋甚。以近於危墜。觀前之

死亡。不知戒。雖其形魁然大者也。其名人也。而智則

公所託諷
室其持已
剛矣又讀
銘其先人
墓誌曰先
若之所由
及此天下
君子舉集
為信讓而
大顯道博
而無辭豈
於此輸一
著耶

小蟲也亦足哀矣。

劉叟傳

魯有劉叟者嘗以御龍術進於魯公

云云

劉叟曰歲

不雨亡以出終亡以入民枯然視天卿士大夫絕智

謀山川禱神祇以祈咸不應臣投是龍於尺地之內

不踰晷雷孚上下雷孚東西於是先之以風騰之以

雲從之以雨如君之意欲一邑足之欲一國足之欲

天下足之魯公曰斯龍也其神乎是則寡人之國非

敢用劉叟曰臣聞避風雨禦寒暑當在未寒暑乎是

故事至而後求曷若未至而先備於是魯公止劉叟

而內龍。明年果大旱。命劉叟出龍。果大雨。

童區寄傳

以淡却一
刺史耳

柳先生曰。越人少恩。生男女。必貨視之。自毀齒已上。父兄鬻賣。以覲其利。不足。則盜取。它室束縛鉗梏之。至有鬚鬣者。力不勝。皆屈爲童。當道相賊殺。以爲俗。幸得壯大。則縛取。么弱者。漠官因爲已利。苟得僮。恣所爲。不問。以是越中戶口滋耗。少得自脫。惟童區寄。以十一歲。勝斯亦奇矣。桂部從事杜周士爲予言之。童寄者。郴州蕘牧兒也。行牧且蕘。二豪賊劫持反接。布囊其口。去逾四十里之虛所賣之。寄僞見啼恐慄。

爲見恒狀賊易之對飲酒醉一人臥植市一人臥植
刃道上童微伺其睡以縛背刃力下上得絕因取刃
殺之逃未及遠市者還得僮大駭將殺童遽曰爲兩
郎僮孰若爲一郎僮耶彼不我恩也郎誠見完與恩
亡所不可市者良久計曰與其殺是僮孰若賣之與
其賣而分孰若吾得專焉幸而殺彼甚善即藏其尸
持僮抵主人所愈束縛牢甚夜半童自轉以縛卽燼
火燒絕之雖瘡手勿憚復取刃殺市者因大號一虛
皆驚童曰我區氏兒也不當爲僮賊二人得我我幸
皆殺之矣願以聞于官虛吏白州州白大府太府不

視兒幼愿耳刺史顏証奇之留爲小吏不肯與衣
史護還之鄉鄉之行劫縛者側目莫敢過其門皆曰
○怖○人○到○此○是兒少秦武陽二歲而討殺三豪豈可近邪

宋清傳

篇○未○應

與呂恭書
以淮濟之
清有玷焉
若秋毫罔
不爲病然
而萬一離
婁子眇然
眇之不若
無者之快
也○夫說
子而信子
之仁義以

宋清長安西部藥市人也居善藥有自由澤來者必
歸宋清氏清優主之長安醫工得清藥輔其方輒易
讐咸譽清疾病疔瘍者亦皆樂就清求藥冀速已清
皆樂然響應雖不持錢者皆與善藥積券如山未嘗
詣取直或不識遥與券清不爲辭歲終度不能報輒
焚券終不復言市人以其異皆笑之曰清蚩妄人也

溺其內生
而死為鳥
置存亡得
喪於臍藏
離時艸木
耶觀八駿
圖說誠使
天下有是
圖者舉而
焚之則駭
馬與聖人
俱出矣惟
持服

或曰清其有道者歟清聞之曰清逐利以活妻子耳
非有道也然謂我蚩妄者亦謬清居藥四十年所焚
券者百數十人或至大官或連數州受俸博其餽遺
清者相屬於戶雖不能立報而以賒死者千百不害
清之為富也清之取利遠遠故大豈若小市人哉一
不得直則怫然怒再則罵而仇耳彼之為利不亦翦
翦乎吾見蚩之有在也清誠以是得大利又不為妄
執其道不廢卒以富求者益衆其應益廣或斥棄沉
廢親與交視之落然者清不以怠遇其人必以善藥
如故一旦復柄用益厚報清其遠取利皆類此吾觀

今之交乎人者。炎而附。寒而棄。鮮有能類清之爲人。世之言徒曰市道交。嗚呼。清市人也。今之交有能望報如清之遠者乎。幸而庶幾。則天下之窮困廢辱。得不死亡者衆矣。市道交。豈可少邪。或曰。清非市道人。也。柳先生曰。清居市。不爲市之道。然而居朝廷。居官府。居庠塾。鄉黨。以士大夫自名者。反爭爲之不已。悲夫。然則清非獨異於市人也。

唐故特進贈開府儀同三司揚州大都督南府君睢陽廟碑

急病讓夷義之先圖。國忘死貞之大利。合而動。乃市。

質之相求。恩加而感。則報施之常道。睢陽所以不階。
王命橫絕。凶威超千祀而挺生。奮百代而特立者也。
時惟南公。天與拳勇。神資機智。藝窮百中。豪出千人。
不遇興詞。鬱龍眉之都尉。數竒見惜。挫猿臂之將軍。
天寶末。寇劇夷陵。隳突河華。天旋虧斗極之位。地圯。
積狐狸之穴。親賢在庭。子駿陳謩。以佐命元老。用武。
夷甫委師而勸進。惟公與南陽張公。巡高陽許公。遠。
義氣縣合。許謀大同。誓鳩武旅。以遏橫潰。袞袞而千。
里來應。左袒而一呼皆至。枉厲不知而死難。狼曠見。
黜而奔師。忠謀朗然。萬夫齊力。公以推讓。且專奮擊。

爲馬軍兵馬使出戰則羣校同強入守而百雉齊固
初據雍丘謂非要害將保江淮之臣庶通南北之奏
復拔我義類扼於睢陽前後捕斬要遮凶氣連沮漢
兵已絕守疏勒而彌堅虜騎雖強頓眙而不進賊
徒乃棄疾於我悉衆合圍技雖窮於九攻志益專於
三板偏陽縣布之勁汧城鑿穴之奇息意牽羊羞鄭
師之大臨甘心易子鄙宋臣之病告諸侯環顧而莫
救國命阻絕而亡歸以有盡之疲人敵亡已之強寇
公乃躍馬潰圍馳出萬衆抵賀蘭進明乞師進明乃
張樂侑食以好聘待之公曰敝邑父子相食而君守

以燕禮獨何心歟乃自噬其指曰噉此足矣遂慟哭而返卽死孤城首碎秦庭終惜亡衣之賦身離楚堊徒傷帶劒之辭至德二年十月城陷遇害無傳爕之歎息有周苛之忱慨聞義能徙果有初心烈士抗詞痛藏洪之同日直臣致憤惜蔡恭於累旬朝廷加贈特進揚州都督定功爲第一等與張氏許氏並立廟睢陽歲時致祭男在襁褓皆受顯秩賜之土田葬刻鮑信之形陵圖龐德之狀納官其子見勾踐之心羽林字孤知孝武之志舉門關於周典徵印綬於漢儀正猷以光寵錫斯備于戲睢陽之事不惟以能死爲

勇善守爲功所以出奇以耻敵立謹以怒寇俾其事
力於東南而去備於西北力專則堅賊必陷備去則
天討可行是故卽城陷之辰爲克敵之日世徒知力
保於江淮而不知功靖乎醜虜論者或未之思歟公
諱霽雲字某范陽人有子曰承嗣七歲爲婺州別駕
賜緋魚袋歷施涪二州服忠思孝亡替負荷恩祠宇
人遠德音不形願斲堅石假辭紀美惟公信以許其
友剛以固其志仁以殘其虜勇以振其氣忠以摧其
敵烈以死其事出乎內者合於貞行乎外者貫於義
是其所以奮百代而超千祀者矣其志不亦宜乎廟

貌斯存碑表攸託洛陽城下思鄉之夢倘來麒麟閣
中卽圖之詞可繼銘曰

貞以圖國義惟急病臨難忘身見危致命漢寵死事
周崇死政烈烈南公忠出其性控扼地利奮揚兵柄
東護吳楚西臨周鄭夢夢羣兇害氣彌盛長蛇封豕
踴躍不定屹彼睢陽制其要領橫潰不流疾風斯勁
梯衝外舞金穴中偵鈴馬非艱析骸猶競浩浩烈士
不聳濟師兵食殲焉守逾三時公奮其勇單車載馳
投軀亡告噬指而歸力窮就執猶抗其辭圭璧可碎
堅貞不虧寇力東盡兇威西慙孤城旣拔渠魁受戮

雷霆之誅由我而速。巢穴之固由我而覆。江漢淮湖。群生咸育。倬焉勛烈。孰與齊躅。天子震悼。陟是元功。旌褒有加。命秩斯崇。位尊九牧。禮視三公。建茲祠宇。或是形容。牲牢伊碩。黍稷伊豐。虔虔孝嗣。望慕亡窮。刊碑河澨。萬古英風。

故秘書郎姜君墓志

秘書郎姜嶠字某。開元皇帝外孫也。始楚國公皎與上游益貴。幸子慶初得尚某公主。生嶠。嶠生三日上。曰它物無以餉吾孫。卽勅有司以第六品告與緋衣銀魚。得通籍出入。凡名是官七十某年終不徙。然其

間在蜀漢荆楚以大諸侯命守州邑輒以勞稱時缺
則復命好游嗜音以生貴富畜妓能傳室中聲賢豪
大夫多與連歡後加老風病手足奇右可用不能就
宮士有載酒來則出妓搏髀笑戲觀者尚識承平王
孫故態元和十四年月日終桂州都督御史中丞裴
公曰噫帝戚也。葬不可以廉爲其物祭以豚酒月日
葬州東南一里子某年若干母曰雷姬銘曰
始賤終貴於世爲遂。幼榮老窮在物爲凶。均之得喪。
誰缺誰豐。若君者銀朱於始生。鍾鼎以及壯。不矍矍
於進取。不施施於驕伉。左絃右壺樂以自放。雖老而

客死未嘗戚乎已。與夫拳拳恐悸蒙詔負義得之拘
拘榮不蓋愧以終其身而不能止者不猶優乎。

覃季子墓銘

覃季子其人生愛書貧甚尤介特不苟受施讀經傳
言其說數家推太史公班固書下到今橫豎鉤貫又
且數十家通爲書號覃子史纂又取鬻老管莊子思
晏孟下到今其術自儒墨名法至於狗彘艸木凡有
益于世者爲子纂又百有若干家篤於聞不以仕爲
事黜陟使取其書以氏名聞除太子校書某年月日
死永州祁陽縣某鄉將死歎曰寧有聞而窮乎將無

聞而豐乎寧介而躓乎將溷而遂乎葬其鄉後若干
年柳先生來永州戚其文不大於世求其墓以石銘
銘曰困其獨豐其辱

故襄陽丞趙君墓

貞元十八年月日天水趙公矜年四十二客死于柳
州官爲歛塋于城北之埜元和十二年孤來章始壯
自襄州徒行求其塋不得徵書而名其人皆死無能
知者來章日哭于埜凡十九日唯人事之窮則庶于
卜筮五月甲辰卜秦謝兆之曰金食其墨而火以貴
其墓直丑在道之右南有貴神冢土是守乙巳于

宜遇西人深目而髯其得實因七日發之乃覲其神
明日求諸塋有叟荷杖而東者問之曰是故趙丞兒
邪吾爲曹信是邇吾墓噫今則夷矣直社之比二百
舉武吾爲子蘊焉辛亥啟土有木焉發之緋衣縗衾
凡自家之物皆在州之人皆爲出涕誠來章之孝神
付是叟以與龜偶不然其協焉如此哉六月某日就
道月日葬于汝州龍城縣期城之原夫人河南源氏
先沒而祔之矜之父曰漸南鄭尉祖曰倩之鄆州司
馬曾祖曰弘安金紫光祿大夫國子祭酒始矜由明
經爲舞陽主簿蔡帥反犯難來歸擢授襄城主簿賜

緋魚袋後爲襄陽丞其墓自曾祖以下皆族以位皆

宗元刺柳用相其事哀而旌之以銘銘曰

訓也挈之信也蘊之有朱其紱神具列之懇懇來章
神實洞汝錫之老叟告以兆語靈其鼓舞從而父祖
孝斯有終宜福是與百越綦綦羈鬼相望有子而孝
獨歸故鄉涕盈其銘旌爾勿忘

大府李卿外婦馬淑志

氏曰馬字曰淑生廣陵母曰劉客倡也淑之父曰總

旣孕而辛故淑爲南康謳者李君爲睦州詆狂寇見

誣左官爲循州錄過而慕焉納爲外婦偕竄南海上

豆翳無人

而銘馬淑

銘等師戲

叩

及移永州州之騷人多李之舊日載酒造焉聞其操
鳴絃爲新聲撫節而歌莫不感動其音美其容以忘
其居之遠而名之辱方幸其若是也元和五年五月
十九日積疾卒于湘水之東塋東崗之北垂年二十
四銘曰
容之丰兮菀之功隱憂以舒和樂雍佳冶凋殞逝安
窮諧鼓瑟兮湘之澣嗣靈音兮永終古

段太尉逸事狀

太尉始爲涇州刺史時汾陽王以副元帥居蒲王子
晞爲尚書領行營節度使寓軍邠州縱士卒亡賴邠

讀此逸事
要知郭晞
焦令謚皆
異人也

人偷嗜暴惡者卒以貨窳名軍伍中則肆志吏不得
詳行丐取於市不嫌輒奮擊折入手足椎釜鬲
甕盎盈道士把臂徐去至撞殺孕婦人邠寧節度使
白孝德以王故戚不敢言太尉自州以狀白府願計
事至則曰天子以生人分公理公見人被暴害因恬
然且大亂若何孝德曰願奉教太尉曰某爲涇州甚
適少事今不忍人無寇暴死以亂天子邊事公誠以
都虞候命某者能爲公已亂使公之人不得害孝德
曰幸甚如太尉請旣署一月晞軍士十七人入市取
酒又以刃刺酒翁壞釀器酒留溝中太尉列卒取十

七人皆斷頭注梁上植市門外晞一營大譟盡甲孝

德震恐召大尉曰將奈何大尉曰無傷也請辭於軍

孝德使數十人從太尉太尉盡辭去解佩刀選老嫠

者一人持馬至晞門下甲者出大尉笑且入曰殺一

老卒何甲也吾戴吾頭來矣甲者愕因諭曰尚書固

負若屬邪副元帥固負若屬邪奈何欲以亂敗郭氏

爲白尚書出聽吾言晞出見太尉太尉曰副元帥勛

塞天地當務爲始終今尚書恣卒爲暴暴且亂亂天

子邊欲誰歸臯臯且及副元帥今邠人惡子弟以貨

竄名軍籍中殺害人如是不止幾日不大亂大亂由

尚書出。人皆曰尚書倚副元帥不戢士。然則郭氏功
名其與存者幾何。言未畢。晞再拜曰。公幸教晞以道。
恩甚大。願奉軍以從。顧叱左右曰。皆解甲散還。火伍
中。敢譁者死。太尉曰。吾未哺食。請假設艸具。既食。曰。
吾疾作。願留宿。門下命特馬者去。旦日來迎。臥軍中。
晞不解衣。戒侯卒擊柝衛太尉。旦俱至。孝德所謝不
能。請改過。邠州由是無禍。先是太尉在涇州爲營田
官。淫大將焦令謐取人田。自古數十頃。給與農曰。且
熟歸我。半是歲大旱。堊亡艸。農以告謐。謐曰。我知入
數而已。不知旱也。督責益急。且飢死無以償。卽告太

此人罵
尋亦謂它
受得罵起

尉太尉判狀辭甚異使人求諭謹謹盛怒召農者曰
吾良段某邪何取言我取判鋪背上以大杖擊二十
垂死輦來庭中太尉大泣曰乃我困汝卽自取水洗
去血裂裳衣瘡手注善藥旦夕自哺農者然後食取
騎馬賣市穀代償使勿知淮西寓軍帥尹少榮剛直
士也入見謹大罵曰汝誠人邪涇州埜如赭人且飢
死而必得穀又用大杖擊無辜者段公仁信大人也
而汝不知敬今段公唯一馬賤賣市穀入汝汝又取
不耻凡爲人傲天災犯大人擊無罪者又取仁者穀
使主人出無馬汝將何以視天地尚不愧奴隸邪謹

雖暴抗然聞言則大愧流汗不能食曰吾終不可以見段公一夕自恨死及太尉自涇州以司農徵戒其族過岐朱泚幸致貨幣慎勿內及過泚固致大綾三百疋太尉壻韋晤堅拒不得命至都太尉怒曰果不用吾言晤謝曰處賤無以拒也太尉曰然終不以在吾第以如司農治事堂棲之梁木上泚反太尉終吏以告泚泚取視其故封識具存

今之稱太尉大節者出入以爲武人一時奮不慮死以取名天下不知太尉之所立如是宗元當出入岐周頌鰲間過真定北上馬嶺歷亭鄆堡戍竊

好問老校退卒能言其事太尉爲人姁姁常位首
拱手行步言氣卑弱未嘗以色待物人視之儒者
也遇不可必達其志決非偶然者會州刺史崔公
來言信行直備得大尉遺事覆校亡疑或恐尚逸
墜未集太史氏敢以狀私於執事

祭崔簡神柩歸上都文

嘻乎崔公之柩嘻乎崔公楚之南其土不可以室或
玢而頽或确而宰陰流洩漏瀝沒渝溢碩鼠大蟻旁
穿側出虧踈脆薄久乃自窒不如君之鄉式堅且密
嘻乎崔公楚之南其鬼不可與友噪矣佻險睽睽欺

此一語
道成奇文

苟。胙。賤。暗。胷。輕。歸。妄。走。不。思。已。類。好。是。羣。醜。不。如。君。
之。鄉。式。和。且。偶。日。月。甚。良。子。姓。甚。勤。具。是。舟。輦。寧。君。
之。神。去。爾。夷。方。返。爾。故。鄉。奕。奕。其。歸。宜。樂。且。欣。君。死。
而。還。我。生。而。留。遠。矣。殊。世。曷。從。之。游。酌。觴。于。座。與。涕。
俱。流。

祭呂衡州化光文

維年月日友人守永州司馬負外置同正負柳宗元
謹遣書吏同曹家人襄兒奉清酌庶羞之儀敬祭于
呂。兄。化。光。之。靈。嗚。呼。天。乎。君。子。何。厲。天。寔。仇。之。生。
我。即。天。寔。警。之。聰。明。正。直。行。爲。君。子。天。則。必。速。其。

死道德仁義志存生人天則必夭其身吾固知蒼蒼之無信莫莫之無神今於化光之歿怨逾深而毒塗甚故復呼天以云直良乎痛哉堯舜之道至大以簡仲尼之文至幽以默千載紛爭或失或得倬乎吾兄獨取其直貫于化始與道咸極推而下之法度不忒旁而肆之中和允塞道大莧備斯爲全德而官止刺一州年不逾四十佐王之志沒而不立豈非修正直以召災好仁義以速咎者邪宗元幼雖好學晚未聞道泊乎獲友君子乃知適於中庸削去邪襍顯陳直正而爲道不謬兄實使然嗚呼積乎中不必施于外

韓文公獨
獨申叔哀
請衆萬之
享誰非天
恨悲痛持
甚惟情至

裕乎古不必諧於今二事相勸從古至少至于化光
最爲大甚理行第一尚非所長文章過人略而不有
夙志所蓄巍然可知貪愚皆貴險狠皆老則化光之
天厄反不榮歟所慟者志不得施蚩蚩之民不被化
光之德庸庸之俗不知化光之心斯言一出內若焚
裂海內甚廣知音幾人自友朋凋喪志業殆絕唯望
化光伸其宏畧震耀昌大興行於昔使斯人徒知我
所立今復往矣吾道息矣雖其存者志亦死矣臨江
大哭萬事已矣窮天之英貫古之識一朝去此終復
何適嗚呼化光今復何爲乎止乎行乎昧乎明乎豈

者能文則
劉賓客所
以與公者
果其過而
未已也古
人于生死
之際何如
哉

蕩而爲大空與化亡窮乎將結而爲光耀以助臨照
乎豈爲雨爲露以澤下土乎將爲雷爲霆以洩怨怒
乎豈爲鳳爲麟爲景星爲卿雲以寓其神乎將爲金
爲錫爲圭爲璧以栖其魄乎豈復爲賢人以續其志
乎將奮爲明神以遂其義乎不然是昭昭者其得已
乎其不得已乎抑有知乎其無知乎彼且有知其可
使吾知之乎幽明茫然一慟腸絕嗚呼化光庶咸聽
之

敲戒

皆知敵之仇而不知爲益之尤皆知敵之害而不知

孫朴瑞箴
急至而防
而至而行
張說獄箴
自當立名
此篇之所

爲利之大。秦有六國。兢兢以強。六國既除。施施乃亡。
晉敗楚鄢。范文爲患。厲之不啻。舉國造怨。孟孫惡臧。
孟死臧恤。藥石去矣。吾亡無日。智能知之。猶卒以危。
矧今之人。曾不是思。敵存而懼。敵去而舞。廢備自盈。
祗益爲瘡。敵存滅禍。敵去召過。有能知此。道大名播。
懲病克壽。矜莊死暴。縱欲不戒。匪愚伊耄。我作戒詩。
無咎。

崔公山池後集序

唐李翰

得意十無
字句處

崔公吏于華。葉再黃矣。士之才也。天高其興。益之以
小山焉。山臨清池。峭絕孤踊。岑無一仞。波無一勺。而
洲嶼縈帶。巒崖盤鬱。則巫廬衡霍。不出于庭間矣。若
其琴幌朝開。書堂晚清。綠筠森疎。下見松雪。登蕙蘭
之徑。諷瓊瑤之章。則雍雍咏歌。盡在丹壁。又與一二
文士以吟以賦。謂之後序焉。

淮南節度行軍司馬廳壁記

國家修唐虞大同之化。庭周漢不賓之俗。邊雖有防
示。不久設軍。出于內謂之將。鎮于外謂之使。佐其職。

者謂之行軍司馬行軍司馬之職弼戎政掌武事居
常習蒐狩之禮有役申戰陣之法凡軍之攻戰之備
列于器械者辨其賢良凡軍之材食之用頒于卒乘
者均其賜予合其軍書契之要比其軍符籍之伍賞
罰得議號令得聞三軍以之聲氣行之哉雖主武蓋
文之職也舊制朱衣銅印墨綬開元故事多選臺郎
爲之淮南節度行軍司馬尚書戶部郎中兼侍御史
王公以經邦緯俗之才佐淮夷方面之寄敦書聞禮
之學當節府大賢之舉政協乎邦要慮通乎事微奉
中權之旗鼓戒群帥之鏡鐸師律旣和軍容丕肅淮

文勢雖直而脉氣甚厚大抵唐嫌直宋嫌弱作者皆不免

南之府。有功宣王室。身佩侯印。將門良家。藩國貴種。以禮綏之。則恭。淮南之衆。有吳楚銳士。燕韓勁卒。奇材劍客。猿臂虬鬚。以恩撫之。則順。淮南之地。隄封千里。徵令百役。稅以足食。賦以足兵。以寬征之。則安。淮南之衝。南走閩越。北通幽朔。關梁不閉。朝聘相望。以歡交之。則固。自韋公統戎旅。王公翼戎行。威加于大。則將不驕。惠及于細。則卒不情。減役輕歛。則人不困。待賓省禮。則境不危。堂堂然混一體。以爲力。雄雄然鼓衆心。以爲氣。封疆之外。隱如敵國。封疆之內。不知有軍。古人云。懸勢于上。而下自定。置器于平。而物自

安者。蓋用是也。茲所謂銷患于未形。制危于未萌。伐
謀之功。大于積甲。山齊攻心之術。強于虎賁百萬。彼
善師不陣。未戰先勝。卻軍于談笑之際。折衝于樽俎
之間。今古一時也。夫舉善人以行其教。大則四海服。
小則邦國寧。舜舉皋陶。蠻夷率職。帝王之事也。秦任
百里奚。巴戎致貢。諸侯之舉也。國僑爲政。乃子之
功。晉侯勤王。信魏絳之力。任賢用善。合契同德。庶
有焉。翰獲庇于有禮之俗。遂安于無虞之境。書績示
後。豈待命乎。

世稱裴將軍射虎而不及見。駕部郎中兼侍御史榮陽鄭公博物好古。旌能尚藝于裴氏子。得其先人射虎圖傳以示予。壯哉古今之未有倫也。夫弧矢之用。所以服猛除暴而威戎狄。故士生則以蓬矢射四方。君立則以五侯選諸侯。五侯之正皆飾以熊虎猛獸之皮象而射之也。昭除暴不若也。周官曰。張五侯則遠國屬射而中之威不庭也。昭昭乎除暴威遠之義。蓋射之大端。若殺不加有罪。威不及不庭。雖有百中之功而無一發之矢。鵜弓鳥下。拾矢猿號。工則工矣。是射之末節。開元中山戎寇邊。玄宗命將軍守非平。

州且充龍武軍使、以捍薊之北門、公嘗率偏軍橫絕
漠策匹馬陷重圍、搖轆轤而百萬洞開、驅橐駝而沙
場一掃、聲振北狄、氣懾東胡、稜威大矣、而北平連山
廣野地實多虎、擇肉于人、如有飛翼、荐食邊鄙、甚于
戎夷、群老憂而請焉、公于是屏車徒去、矛鏃曰賈子
餘勇、挺身以餌之、眈眈魑魍、烈烈騰逝、當其威怒也、
百獸以伏、萬夫莫亢、而公馳單騎、縠白羽、挑之使來、
翼之而迴、從容返視、咫尺旋翫、心卽其度、手張其機、
左射右拂、縈之疊四中、皆沒羽、倒必應弦、毛紛血灑、
腋洞心穿、或叱之而弭伏、或箠之而卻走、將威有所

勝氣有所全精專于中志正于內故能以一人之力
戰羣虎之命使鋸牙鉤爪戢而莫措雷聲電視消而
不揚猛摧于柔衆怯于獨其爲易也若獵狐兔聯鷺
鷗雖有矯牙冠羣亦垂頭搨尾應鏑而斃如此者凡
三十有一矣其餘竄匿不敢復出大漠之南千里罷
肩鳥獸咸若山川以寧胡人服藝畏威不敢南牧願
充麾下者五百餘人茲所謂剛猛除暴而戎夷格昔
漢飛將軍亦爲北平守擊胡有困辱之事射虎有騰
傷之患其與將軍神勇非爲侔矣鄭公旣寫其圖俾
予贊之詞曰 憬彼山戎噬我封略有羣者虎載肆

騰搏邊毗懔懔若崩厥角將軍出塞屏黜車騎進馬
前當挺身以餌威有所服精有所聚氣全以雄力果
而取震驚矍矍虎反如鼠威武桓桓人反如虎勁弓
雷霹長矢電激中口穿胸貫心洞腋視如空皮割若
破的應發連斃紛紜枕籍據鞍遙叱揮箠逆擊閉日
沈冥喪精擗易三軍駭呼萬靈動鬼海波爲騰塞草
皆赤卞莊俟鬪方聞兩獲漢將如飛幾爲所扼將軍
神勇冠世超昔號猿未工飲羽非敵孤矢之設以威
四方羣虎旣夷狄人來降收闔罷肩山川以寧至今
北荒猶畏其靈

設毛延壽自解語

唐 程 晏

不意風霆
霹靂之下
竟有一躲
閃處

安與陳黯
皆奇筆

帝見王嬙美。召壽責之曰。君欺我之甚也。延壽曰。臣以爲宮中美者。可以亂人之國。臣欲宮中之美者。遷于胡庭。是臣使亂國之物。不逞于漢。而移于胡也。昔閔天獻美女于紂。而免西伯。齊遺女樂于魯。而孔子行。秦遺女樂于戎。而間由余。豈曰選其惡者遺之。美者畱之耶。陛下以爲美者。是能亂陛下之德也。臣欲去之。將靜我而亂彼。陛下不以爲美者。是不能亂我之德。安能亂彼謀哉。臣聞太上無亂。其次去亂。其次遷亂。今國家不能無亂。陛下不能去亂。臣爲陛下

遷○亂○耳○惡○可○以○爲○美○爲○彼○得○乎○帝○不○能○省○君○子○曰○良
畫○工○也○孰○誣○其○貨○哉○

工器解

匠○刀○者○不○必○自○用○割○匠○弓○者○不○必○自○用○射○善○爲○器○而
已○善○割○者○不○必○善○匠○刀○善○射○者○不○必○善○匠○弓○善○用○人
之○器○而○已○庖○丁○豈○自○鍛○而○後○操○之○邪○由○基○豈○自○斲○而
後○射○之○邪○然○則○匠○刀○者○不○嫉○庖○丁○之○解○匠○弓○者○不○嫉
田○基○之○中○業○已○之○爲○器○而○懼○刃○之○不○利○弦○之○不○勁○也○
我○器○旣○利○旣○勁○稱○彼○之○用○是○器○得○其○所○又○何○嫉○哉○蕭
張○爲○漢○之○器○旣○利○旣○勁○矣○不○嫉○漢○祖○之○能○刃○我○而○解

羽弦我而中羽。天下是業已之爲器也。反是者所謂
已匠力。不欲人之善割。已匠巧。不欲人之善射。然則
器安適乎。范增之器也。旣利旣勁矣。鴻門之言不用。
羽非善割。善射者。終不能用其器也。是器豈嫉人也。
哉。痛器之失其所也。是言也。不足爲儒者道。用警乎
貪民嫉上之臣也。

食以穀土之田也

夫其視也。是言也。不以爲辭。皆能用譽乎。

秋。非善。隨善。根。沐。絲。不。指。視。其。器。也。是。器。豈。知。入。也。

器。安。適。乎。英。辭。之。器。也。視。味。到。經。矣。此。問。之。言。不。用。

以。司。氏。不。知。人。之。善。隨。日。司。氏。不。知。人。之。善。根。然。以。

林。茲。在。而。中。然。天。不。其。業。日。之。然。器。也。以。是。各。視。隨。

歸解書彭陽公碑陰

唐 朱 閱

以此相識

予感公之知獨來弔作歸解或曰子不識彭陽公而云知豈誣也哉曰公尹洛禮陳商爲鄆薦蔡京莅京辟李商隱予偶不識公耳公之知予如春潦之奔壑夏雲之得龍秋弧之發矢冬燼之納火勢豈後于三子哉是則公亦知予者也何必識然後知乃曰之知也在道之相望爾昔殷湯與周公不相識孔子與周公不相識孟軻與孔子不相識楊雄與孟軻不相識韓愈與揚雄不相識果不相知哉伊尹與夏桀相識比干與殷紂相識果相知哉今天下大國之侯小國

伯。予常識之矣。目且相視。言亦相交。豈得爲予知
也哉。予感嘆碑下。歸解。于是書之。

人旱解

唐盛均

佛道生天
明末仙
附錄七
附錄八
附錄九
附錄十
附錄十一
附錄十二
附錄十三
附錄十四
附錄十五
附錄十六
附錄十七
附錄十八
附錄十九
附錄二十
附錄二十一
附錄二十二
附錄二十三
附錄二十四
附錄二十五
附錄二十六
附錄二十七
附錄二十八
附錄二十九
附錄三十
附錄三十一
附錄三十二
附錄三十三
附錄三十四
附錄三十五
附錄三十六
附錄三十七
附錄三十八
附錄三十九
附錄四十
附錄四十一
附錄四十二
附錄四十三
附錄四十四
附錄四十五
附錄四十六
附錄四十七
附錄四十八
附錄四十九
附錄五十
附錄五十一
附錄五十二
附錄五十三
附錄五十四
附錄五十五
附錄五十六
附錄五十七
附錄五十八
附錄五十九
附錄六十
附錄六十一
附錄六十二
附錄六十三
附錄六十四
附錄六十五
附錄六十六
附錄六十七
附錄六十八
附錄六十九
附錄七十
附錄七十一
附錄七十二
附錄七十三
附錄七十四
附錄七十五
附錄七十六
附錄七十七
附錄七十八
附錄七十九
附錄八十
附錄八十一
附錄八十二
附錄八十三
附錄八十四
附錄八十五
附錄八十六
附錄八十七
附錄八十八
附錄八十九
附錄九十
附錄九十一
附錄九十二
附錄九十三
附錄九十四
附錄九十五
附錄九十六
附錄九十七
附錄九十八
附錄九十九
附錄一百

涸灘歲越垠曠旱塞諸陽遷市不雨祈山川庶神又
不雨觴土龍舞巫覡愈不雨或言邦有術人能捕退
龍而譟之昔歲嘗然農剝其澤及召術人至而旱色
如故太守怒亟命擒之術人遁去矣其遺囊有書一
幅目曰人旱旱有三曰天旱國旱人旱曷爲天旱蹇
陽肆凶下土祗慎雖六七歲黎人不饒曷爲國旱君
道熾災德涸仁枯貪風暴氣蒸爲時厲曷爲人旱邦
燬其政吏賊其行千里人心燥不爲陰夫天旱求諸
仁仁洽而時豐國旱求諸德德潤而澤一人旱求諸

古文奇賞

卷八

人旱解

五

盛均

政。政。清。而。俗。阜。今。貨。游。于。上。刑。默。于。下。百。姓。焦。愁。結。
成。恨。暑。所。謂。人。旱。者。也。邦。守。不。清。其。政。而。逮。龍。貨。雨。
是。猶。乘。攢。適。海。豢。羊。望。翼。於。何。可。冀。乎。太。守。得。書。增。
怒。是。歲。自。正。月。不。雨。至。于。五。月。明。年。殍。死。者。數。十。人。
而。太。守。亦。以。財。禍。

詞皆純精

書宣州疊嶂樓

唐 獨孤霖

郡地四出皆卑。卽阜以垣。故于樓爲易。而賦名必著。其當正據。莽亦雄如。競侈由是。繚步踰千方。目相瞪。則壯邦麗。解之勲。嫌在第一。繁絲機羅錯。卉障錦春。以融獨峰。掾雲雙波。屹風暑以澄。曉鶯頻入。夕蟾娟。來秋以揚。雲併半空。冰偏一岸。冬以明此。槩舉爾覩。縷不盡也。然而月話方狎。燭醉始酣。則防城健卒。籌三而環。警緒至越。活延走。秦榻。彙呼。去族。譟雖黃度。展和不能不撫。而數響之歷。舉四美悉估。而倍之不足贖矣。予春至逮秋。偶步池北。得小亭之直上。居然

最勝因命植棟闢梁出城屋之脊周方數間小亭如
初而中與諸樓相差者自爲一地其上則朗出高際
平與空等嚮所謂越譟者不復游慮則其四美不俟
說而聞不假到而見非聞非見其然也始聞始見其
嚮之未必然也且聞且見而今之所以然也嚮旣舉
舉今不可默夫北望條風清暑之流皆偏擅攸戡莫
全厥美或能伸左臂或睇右目或獨全正而總而有
諸則我無許斯又不聞不見而以其然爲然矣郡以
谿山著名而谿小負則疊嶂之命爲宜至于闢千蹊
道沙子門戶等咸有曲旨成于新致舉之則縷

漢高祖僞游議

唐 高 參

或曰漢高帝僞游雲夢以擒韓信果哉其智足稱也
予以謂高祖不思弘遠之規而務一時之計于是乎
失政刑矣夫聖人貴正不貴幸與律不與臧昔者明
王五載一巡狩合諸侯各朝于方嶽大明默陟故無
德者削地有功者進律漢氏君臨萬國示人以偷僞
遊之名不可以訓且當此之時韓信未有逆節一朝
繫信而生諸侯之疑天下皆疑則所利者少而所失
者多昔崇伯之方命圯族共工之靜言庸違帝堯以
則哲之明而未有去者蓋以其行僞象恭且有四嶽

之舉故也。向使堯惡四凶之行，拒四嶽之舉，不待試用，加之誅放，天下必以爲戮不辜矣。夫刑一人使天下知其罪，則服賞一人使天下知其賢，則勸若賞而不勸刑而不服，則堯所不爲也。漢祖不能斟酌古典，卒用陳平之言，執信而歸于京師。一二年間，韓王信反，馬邑趙相貫高謀，柏人陳豨反，代地彭越，黥布，盧綰悉以叛，換豈非服勸用刑之失歟？傳曰：君人執信。臣人執忠。古之盟主，耻襲侵之事。況光有天下者乎？於戲！悠悠千載，變詐盟生，使天子不復言巡狩諸侯，不敢議朝覲。大者自嫌強盛，小者懼于囚執，是恩信

不流于下而忠孝不達于上王者之澤滯以陵遲自
要夢始矣。

尺

而此奉不數于上王祿之戰錄以刻焉

南溪白龍洞序

唐 李 渤

意有所在
亦一有趣

飲食有
雷雷一
日天地之
意

桂水灘山右匯陽江數里餘得南溪口溪左屏外崖
巘鬬麗爭高其孕翠曳煙邐迤如畫左連幽野園田
雉大疑非人間沂流數百步至巖巖人有灣壤沮洳
因導爲新泉山有二洞九室西南曰白龍洞橫透巽
維蛻骨如玉西北曰玄巖洞曲通坎隅晴眺離水玄
巖之上曰丹室白龍之右曰夕室巽維北梯險至仙
窟北又有石室參差呀豁延景宿雲其洞室竝乳潛
凝化詭勢奇狀俯而察之如傘如輦如欒樞支撐如
連蔓藻井左睨右瞰似簾似幃似松偃竹衰似海蕩

雲驚其玉池。玄井嵐飈迴環交錯迷不。從夕室
梁溪向郭四里而近。去松衢二百步而遙。余獲之若
獲荆璆與隋珠焉。亦疑大夫舜游此而忘歸矣。遂命
發潛敞深磴危宅。旣翼之以亭榭。又韻之以松竹。似
讎方丈。似昇瑤臺。以溪在郡之南。因目爲南溪云。

叛有別境

叛解

唐 李 甘

或曰、申恒何讐而叛、解曰、盜賊富豪讐平且恠其財而强索之、若寃其主也、申習盜恒習賊差乎、解曰、害財曰盜、以盜害人曰賊、天下有士家之有紵粟也、天下有相家之有子弟也、申憑葉縣非盜歟、恒驚宰相非賊歟、或曰、有盜一金、費十金而可捕、爲之乎、有賊一夫殺十夫而可磔行之乎、今三年兵之非十金而捕、如費何、萬人死之、非十夫而磔、如殺何、解曰、以金爲輕而不捕、則窮人家謀盜矣、富人家遇盜矣、以一夫爲寡而不磔、則壯夫人人爲賊矣、懦夫人人

英賊矣。是故盡天下之盜者三年爲蚤。天下之賊者萬人爲少也。或曰吾聞寡夫重閉盡鍵乎。解曰天雨垣敗盜賊乘之門之閉耶。曰以彼習叛之巧也。贖而吏之何如。解曰盜賊欲巧吏不欲擾如贖倡而爲妻也。爲倡且淫爲妻且禁乎。

如此淡寫
不累其身

許先生頴陽洞庭獻酬文 唐 柳 識

壬辰歲夏四月客有自洛東遊至先生遺廟而頴水
古風舊山巋然追懷古蹤慕羨至道以時酒敬酬于
靈既酌既拜獻手言曰 天清既能久地靜不能朽
先生清淨天地全性出于胚渾入于鴻濛雲遊鳥還
翁鬱和風當時帝道已半滋章欲深大樸散于人未
散于山林乃有巢父杳冥同心堯齋公器退然見推
遇聖相感不得不知耳雖濯于清流道終播于無爲
所謂春膏時蒸朽葉自滋先生含德唐堯發之頴陽
之仁德日大天下之祿利日卑且聖王所
名器

至人所重者感通推以大名義同讓終矣俗道
自爲功任應會之偶然生垂後之清風人登雲嶺多
憶箕穎猗歟先生山木齊名茲焉遺廟萬古芬芬



